

LIPOTSO LE LIKARABO

 'Me ke thabetse ho ba mona hape bosiung bona tšebeletsong ea Morena oa rona. 'Me joale, ha ke le bona kaofela le thabile 'me le bina lifela tsena tsa khale tse monate, bohle le tletse moea le tse joalo, ho re thabisa bohle.

² 'Me re thabetse ho leka ho nka metsotso e 'maloa ea nako ape bosiung bona ho araba potso kapa tse peli. Re batla re nkile nako ea lona e ngata hoseng hona, empa ke ts'epa hore le fumane lehlohonolo leo ke le fumaneng ha ke bua ka eona. Ke... Lea tseba, re na le lintho tse ngata tseo re lokelang ho bua ka tsona, na ha ho joalo? 'Me re na le Motho eo re ka buang ka eena, eo ke Morena oa rona Jesu.

³ Moena Teddy, ha nka... rata, u ka lula mona nakoana feela. Ke boletsoe ka ngoana e monyenyanee ea kulang ka mohahong.

⁴ 'Me pele ke qala ka taba ena, re na le Selallo (ka hona re batla... ha re batle ho nka nako e ngata) mme mohlomong le kolobetso. 'Me ba... ke batla ho—ho rapella ba batlang ho rapelloa pele, hore sena, ho rapella bakuli pele, pele ke qala.

⁵ 'Me joale, haeba... Teddy, ha u rata, letsa sefela sena *Ngaka e Kholo Joale e Haufi*. 'Me re tla bitsa bakuli le ho ba kopela mahlohonolo mona. Ba bakae mona ba tla rapelloa bosiung bona? Re fositse ba bang hoseng hona. Ha u ka phahamissa matsoho a bona, ha u... [Sekheo lebanteng—Mohl.]... le ho utloa bopaki boo, le ho rorisa Molimo bakeng sa molemo 'ohle oa Hae. Ho bokoe Molimo eo mahlohonolo ohle a tsoang ho oona. Na ho joalo?

⁶ joale, re tla qala ka potlako ka mapaki ana joale, 'me re tla leka, kapa, ntšoareleng, holima lipotso. 'Me ke tšepa hore Molimo o tla tšollela mahlohonolo a Hae feela ka—ka mokhoa oona.

⁷ 'Me joale, le se ntumelle ho nka nako e telele ho tsona. Moena Cox, ke tlilo le hlokamelisa, uena le malikone a lutseng moleng o ka pele, ho nthibela ha ke... ha ho fihla nako ea ho re fa Selallo (lea bona?), hobane ke li lelefatsa haholo. Ke tla leka ho potlaka kamoo nka khonang. 'Me ebe, ha ke sa li qete Sontaha sena, Ke tla li fumana Sontaha se tlang; che, ke tla leka ho qeta bosiung bona.

⁸ Ke lipotso tse ntle hakana. 'Me ke a le bolella, metsoalle, ha e ne e se tsoselsetso le lintho tse tsoelang pele, ke rata ho qeta veke ka kotloloho ka lithuto tsa Bibebe tsa... tsa Genese, le Exoda, le Lišenolo, le joalo-joalo, le—le ho kenela e—e nako e monate ruri. Ke rata lipotso tse tebileng tsa Bibebe le lithuto tsa Bibebe, ha feela u sa bue ka ntho e itseng ea tšomong. Lula hantle feela ka

ho hlaka, thutong ea khale, ea Lentsoe la Molimo le sa tsoakoang; E tla u fetisa hantle. Ha u lumele seo?

⁹ Joale, hoseng hona, re bile le tse ling—tse ling tsa lipotso tse khabane, tse ling tsa tsona mabapi le likete tse lekholo le mashome a mane a metso e mene, e ne e le bo-mang, 'me bao e ne e tla ba karolo efe? Le—le mabapi le Monyaluo. Le oh, lintho tse ngata feela, le lipotso tse tebileng feela. 'Me ke ne ke na le tse 'maloa tseo ke sa kang ka li qeta.

¹⁰ Joale, bosius bona re tla qala hantle mona tabeng ena, 'me re kope Morena ho re thusa. 'Me joale, ha re khone ho bula Bibebe. Re ka E phetla tjena, empa ho nka Molimo ho re bulela Eona ruri. Re ka phetla maqephe. Empa Bukeng ea Tšenolo, ha Johanne a talima, 'me o bone e Mong a lutse Teroneng, 'me ho ne ho ena le... O ne a tšoere Buka letsohong la Hae. 'Me ho se motho ea nang le tokelo ea ho nka Buka, kapa ho manolla Litiiso, kapa ho e sheba. Ho se motho Leholimong, ho se motho lefatšeng, kapa motho tlas'a lefatše, kapa ea—ea neng a loketse. 'Me a bona Konyana, e kang E hlabiloe esale ho theoa lefatše. 'Me Ea tla nka Buka matsohong a Hae le ho manolla Litiiso; E ne e le Jesu Kreste.

¹¹ Joale, ke ne ke qoqa le monna vekeng ena, rakhoebo ea tummeng haholo motseng, ea ileng a mpolella ka ho khutlela ha ka Afrika le India: a re, "Khele, ba sa tsoa bolaea mogenerale oa Leborithani mono."

Ka re, "Seo se amana kae le 'na?"

A re, "U khutlela morao mane moo lipolao tseo tsohle li etsahalang, moferefere oo oa morabe, le joalo-joalo?"

Ka re, "Ehlile, ke hona moo ke hlokehang, moo Morena a mpatlang ho ea teng."

A re, "Ho ka thoe'ng haeba ba ka u bolaea?"

Ka re, "Be, haeba Molimo a batla hore ke bolaoe, ke tla bolaoa, ke phetho."

'Me a re, "Oh, khili!" Ho re, "Moena Branham, ha u a lokela ho nahana seo. Ho lokile," ho re, "ha ke tsotelle. Ke nahana hore u motho oa morapeli, 'me ke nahana hore u monna ea lokileng," a re, "empa ba bile ba bolaile Jesu Kreste."

Ka re, "Ehlile, e ne e le thato ea Molimo."

A re, "Eng? Thato ea Molimo?" Ka... 'Me monna eo esale a tsamaea kereke (o nanarela mashome a supileng), o ntse a tsamaea kereke (o lenaneng la moalo oa kereke e ntle toropong ena), 'me o ne a nyolohile, 'me a sa ka a e tseba e ne e le thato ea Molimo hore Jesu a shoe.

¹² Hobaneng, ka re, "Moena, O ne a hlajoe haesale lefatše le theoa, ho tloha hona tšimolohong. O ne a hlajoe esita le pele A tla

lefatšeng.” Na ho joalo? E ne e le Konyana ea Molimo e hlabiloeng ho tloha motheong oa lefatše.

¹³ Ha re bueng le Eena nakoana bakeng sa lipotso. Joale, Ntate, ha re a lokela, ’me ha re khone, re a elelloa, ho bula Buka kapa ho e talima. Empa Konyana e tle joale bosiusing bona, Konyana ea Molimo e hlabiloeng esale lefatše le theoa, ho nka lintho tsa Molimo le ho li hlahisa ka pel’ a phutheho. Moea o Halalelang o jare mantsoe ana, ’me e se be mantsoe a ka kapa mantsoe a batho, e mpe e be Mantsoe a Molimo pelong e ’ngoe le e ’ngoe e lapileng. Hoba re e kopa ka Lebitso la Jesu. Amen.

Ea pele mona (ha re e-so li potolohe kapa letho, haese kamoo li tlileng), e bonahala e le ntle haholo. Pele, ba bakae ba thahasellang lipotso? Ha re boneng a lona . . . Be, ho hotle haholo. Ha ke mpa ke tseba feela.

15. Joale. Na motho lefung o ea Leholimong kapa—kapa liheleng hang-hang, kapa ba emela kahlolo?

¹⁴ Ke potso e ntle haholo eo. ’Me e a . . . e hloka ho nahanisoa hantle, hobane motho e mong le e mong o a thahasella, e tla ba eng hoba bophelo bona bo fele? Motho e mong le e mong o a thahasella. Joale, ’na, ho ea ka ’na, nke—nke ke ka tseba. Ke tlameha ho araba ho tsoa Bibeleng.

¹⁵ Kea kholoa mosali o letsitse ka lidolara tse mashome a mahlano nakoana e fetileng ho tsoa Los Angeles, metsotsa e ka bang mashome a mararo a metso e mehlano kapa mashome a mane, kapa ho feta, o tsoang hole, a leka hore ke bolele ha e le molao ebile ho nepahetse ho tlohela monna oa hae le ho nyaloa ke monna e mong. Ké hanne ho e etsa. Che! Ka re, “Che, monghali!”

A re, “Be, monna oa ka ke moetsalibe, athe monna enoa ke Mokreste.”

¹⁶ Ka re, “Hoo ha ho amane le eona ka letho. U tla be u le bohloleng ka ho tiea joaloka eng.”

Ho re, “Che, ke tšoeroe ke lefuba, ’me ha ke hloke ho phela haeba ke sa fumane monna enoa.”

¹⁷ Ka re, “U mpa u hapuoe maikutlo ’me ha u a kena leratong, hoba u ke ke oa khona, ke phetho, hoba eo ke monna oa hau. ’Me u ikanne ho phela le eena ho fihlela lefu le le arola. Ntho efe feela ho tloha moo, u bohloleng.” ’Me ka hona, a ’na a lula a tšoere. Ka re, “Mofumahali, ha ho hlokahale . . .”

A re, “Haeba u ka mpolella feela hore ho lokile.”

Ka re, “Nke ke ka e etsa.” Ka re, “Kea . . .”

A re, “Be, Moena Branham, re na le tšepo e ngata ho uena.”

¹⁸ Ka re, “Joale mamela seo ke lekang ho u bolella sona. Ke le bolella ’Nete, hoba nke ke ka bua letho haese seo Molimo o se buileng.” Molimo o boletse hoba hoo ke ’nete, ho joalo hantle

feela. Le a bona? Ka re, “Ke tsela eo e—e loketse joalo, ’me e lokela ho ba joalo.”

¹⁹ ’Me joale, lipotsong tsena, re batla hore li be joalo. Joale, esale ho hopoloa . . . Joale, ka mona, le a elelloa, har’ a batho bana ba tlalang seatla bosiusing bona, ekaba maikutlo a mefuta eohle a fapaneng; ’me re nahana hore ’ohle a lokile, a mang le a mang a bona. Khopolo ea hau e ntle, ’me ke a . . . Empa joale, seo re se etsang, re lokela ho fumana motho . . . Joalo ka ligansi, matata, ntho efe, ntho e ’ngoe le e ’ngoe ha- . . . linotši, ntho e ’ngoe le e ’ngoe e na le moetapele. Haeba mofumahali notši a e-shoa, u tseba se etsahalang. Letata la moetapele lea sho, a tlameha ho iphumanelia mong. Hoo, a tlameha ho ba le moetapele feela.

²⁰ ’Me motho o lokela ho ba le moetapele; ’me Moetapele ke Moea o Halalelang. ’Me Moea o Halalelang o lula ka hare ho Kereke pele, baapostola, kamora moo, baporofeta, joalo-joalo.

Motho o boletse nakoana e fetileng, “Hobaneng, Moena Branham, ha re hloke motho ho re ruta. Mohla Moea o Halalelang a tlileng, ha re hloke motho ho ruta.” Ho re, “Bibele e re ha u etse—ha ho hlokahale ho ruta.”

²¹ Ka re, “Joale hobaneng ’ona Moea o Halalelang o behile baruti ba Kereke, le a bona, le a bona, le ho hlekia Kereke ka taolo?” Ba ne ba loketse . . . Re tlameha ho ba le baruti. Ke hantle.

²² Empa ha u a lokela ho fumana mang kapa mang . . . Ha u a tlameha ho rutoa ho re, “U se ke ua feba; u se ke ua hlapanya, ’me u se ke ua nka . . .” U se u ntse u tseba seo. Lona letsoalo la hau la Moea o Halalelang le u bolella e le phoso ho e etsa.

²³ Empa joale maloka le thuto ea Mangolo, ho hlokoea ea tlotsitsoeng ke Moea o Halalelang. Ke hantle. ’Me Molimo o hlekile Kereke ka baapostola le baporofeta, le lineo tsa pholiso, le meeka, joalo-joalo. O hlekile Kereke le ho bea baruti le ba joalo ka mono ho tataisa le ho tsamaisa Kereke ea Oona. ’Me hoseng hona, rona, joaloka ha re boletse, Jesu holim’ a lefatše joaloka ’Mele oa Hae . . . ’Me joalokaha ’mele oa Hae o tsamaea, ho joaloka seriti se halimisang fatše. Se tla tsamaea le ona.

²⁴ Joale, batho ba bangata . . . Batho ba Adventist ba lumela hore motho ha e-shoa o kena hantle lebitleng le ho lula mono, soule, ’mele, le ntho e ’ngoe le e ’ngoe, ho fihlela tsoho. Le bona . . . Ba bitsa seo “moea o robetseng.” Be, ho itoketse. Ho itoketse ha feela ba lumela Jesu Kreste ’me ba tsoetsoe labobeli, hoo ho ke ke ha ba sitisa. Empa joale, ho ea ka Mangolo, ha motho a e-shoa, haeba e le Mokreste, haeba a tsoetsoe labobeli, a tlatsitsoe ka Moea o Halalelang, a ke ke a tla tlameha ho ema likahlolong tsa Molimo le ka mohla. Le a bona? O ea ka pel’ a Sefahleho sa Molimo ka kotloloho. ’Me ha a tla tlameha ho ba kahlolong, hobane o se a . . . Le a bona?

²⁵ Ha kea tlameha ho emela seo Kreste a nketselitseng sona. Joale, ke ne ke le moetsalibe, empa kahlolo ea Kreste . . . Ke ena—ke ena ntho eohle ka mantsoe 'maloa: Molimo o itse, "Ka letsatsi leo u se jang, u tla shoa ka lona letsatsi leo." Eaba ke phetho.

²⁶ Joale, Molimo o tlameha ho boloka Lentsoe la Hae. A ke ke a etsa letho haese ho boloka Lentsoe la Hae, hoba Ke Molimo. Be ka hona, A ke ke a khona. Ka hona, Eena . . . U arohane le Molimo. Eona . . . 'Me hape, u tsoaletsoe sebeng, u bopetsoe bokhopong, u tla lefatšeng u bua mashano. Ka hona ha u tsoaloa, u moetsalibe ka tlhaho. Kahoo ha ho letho lefatšeng leo u ka le etsang ka eona. Ha ho letho leo nka le etsang ho ipholosa kapa ho pholosa uena. Ke seo Kreste a re etselitseng sona ka ho Molimo, kapa, seo Molimo a re etselitseng sona ka Kreste. Le a bona? Ha se eona, be, hore na ebe ke nahana *sena* kapa ke etsa *sena*, ke hore na O entse seo.

²⁷ Joale, re ka ho Eena. Eaba O emela likahlolo tsa Molimo; O nkile kahlolo. 'Me Eena, ea seng molato oa sebe, a sa tsebe sebe, koana a etsoa sebe sebakeng sa rona. Kahoo ha feelsa u le ka ho Kreste, u lokolohile kahlolong. "Ha ke bona Mali, Ke tla le feta." Le a bona, le a bona? Ke phetho. Mali, a re lokollang.

²⁸ Joale, moetsalibe le ka mohla . . . Moetsalibe o lokela ho ema kahlolong. 'Me ho ke ke ha e-ba le kahlolo haese ena feelsa. E tšoana le e—e selikalikoe kapa mookoli o potileng lefatše oa Mali a Kreste. Ha feelsa u ntse u le mona . . . Hola Molimo o ka sheba lefatše maemong a lona bosiusa bona ka tsela ese le ka Mali a Kreste, O ne o tla le senya ka motsotsoana. O ne a tla tlameha. Ehlide O ne a tla tlameha. Ke hona moo likahlolo li theohelang teng.

²⁹ Joale, haeba, kapa, ha feelsa motho a le tlase mona, ho sa tsotelehe hore motho ke letahoa, le semokolara, le mosalumele ea tšabehang, mehauhelo ea Molimo e sa ntse e mo etsetsa tefelo. 'Me mosali, a ka ba, ho sa tsotelehe seo a ka bang sona, seotsoa kapa eng feelsa, Mali a Jesu Kreste a sa ntse a mo etsetsa tefetso. Empa motsotso ha moea oa hae o siea 'mele ona 'me o fetela ka nqane ho moo, o tlotse mohau ho kena kahlolong. Molimo o se a ahlotse. Ke phetho. Ho felile ka eena. O ahlotsoe. O ahlotsoe . . .

³⁰ U ikahlolola kamoo u tšoarang poelano ea Molimo kateng, mono, bakeng sa libe tsa hau. Le a bona? Le ikahlolola e le lona. Ha u Mo ahlole *feelaa* ho lekaneng ho u tšoarela. Le a bona? Haeba u nahana hore O tla u tšoarela, ipolele liphoso tsa hau, 'me O tla u tšoarela.

³¹ Ebe ka Moea o le mong (hlokomela) bohole re kolobeletsoa 'Meleng o le mong. 'Me joaloka ha 'mele oo o tsositsoe ke Molimo, ho tsosoa bafung, ho beoa o lokileng, ho lula letsohong la Hae le letona ka matla le ka boholo Leholidong, le ba shoetseng ho Kreste, ba leng ka ho Kreste, 'me ba lokolohile kahlolong, 'me ba tla hlaha tsohong.

³² Joale. Empa ha re shoa joale—ha re shoa joale, re kena ka kotloloho Boteng ba Molimo o Matlaohle ka 'mele oa leholimo. Ha nka kopana le Moena Neville holimo mono, haeba re ka shoa bobeli joale, hora ho tloha joale ke tla kopana le eena; nka re, "Lumela, Moena Neville," ho qoqa le eena. Nka sitoa ho tsukutla letsoho la hae; o 'meleng oa leholimo. Nka qoqa le eena; o tla shebeha joaloka ha a etsa mono. Ke ne ke tla shebahala joaloka ha ke etsa. Empa re ka qoqa, empa re ke ke ea khona ho tšoarana, hobane ha re na efe ea lithokutlo tse hlano tsa ho bona, ho latsoa, ho ama, ho fofonela, le ho utloa. Le a bona? Empa re tla be re sa shoe, 'me re ne re ka bonana. Re ne re tla phela linqalong tse bokoang haufi le aletare ea Molimo. Na ha le tsebe Johanne o bone meeaa tlas'a aletare e ntse e hoeletsa, "Ho tla ea ha kae, Morena, ho tla ea ha kae" ho khutlela lefatšeng ho tla apesoa?

³³ Joale, etlareha Jesu, joale ea leng ka ho rona joale ka sebopoho sa Moea o Halalelang, mohla 'mele oa Hae oa leholimo, Moea o Halalelang, o khutlang ka 'mele o tlotlisitsoeng, re tla tlotlisoa le Eena le ka setšoantšo sa Hae. Na le bona seo ke se bolelang? Ke mohla ke tla tsukutla letsoho la hae le ho re, "Ke ena, Moena Neville." Joale re tla ja.

³⁴ Sheba. Jesu o boleletse barutuoa ba Hae, ba ntse ba ejá Selallo, A re, "Ha Ke sa tla ja tholoana ea morara ho fihlela Ke se ja le ho se noa le lōna ka bocha 'Musong oa Ntate." Na ho joalo? Le a bona? Ke moo. Kahoo, rona... Ha bafu ba shoa... Motho ea beiloeng ea lokileng, ea emeng ka pel'a Sefahleho sa Molimo, o kena ka pel'a Sefahleho sa Hae e le motho ea sa shoeng 'me o phela linqalong tse bokoang tsa khotso ho fihlela tsatsi leo ka... khutlela morao.

³⁵ Joale, khetlo le leng batho ba ne ba sa kene ka pel'a Sefahleho sa Molimo ha ba eshoa, ba beiloeng ba lokileng. Mono e ne e le ka Testamenteng ea Khale. Ba ile ba kena nqalang e bitsoang Paradeise, 'me teng lisoule tsa ba lokileng tsa ema Paradeiseng. Empa Paradeise e ne e le nqalo eo Molimo a bolokileng lisoule joaloka naheng ea litoro, ho fihlela Mali a Jesu Kreste a tšoloha; hobane mali a lipoho le a lipoli a sitiloe ho tlosa sebe, a koahetse sebe feela. Empa Mali a Jesu a tlosa sebe.

³⁶ U a hlokombela hore a Hae...mohla A neng a eshoa Kalvari... 'Me ho khutleng ha Hae, A ntša mabitleng bahalaleli bao ba shoeleng ba neng ba shoele tlas'a pheko ea mali a lipoho, le a lipoli, le a lithole. 'Me ba kena motseng (oh!) 'me ba hlahela ba bangata. Ke ponahalo e ntle hakakang! Oh, hola re ka e taka nakoana feela. Ho sheba Jesu mohla A neng a eshoa.

³⁷ Mona, joaloka ha ke boletse khafetsa, kea kholoa, ka kerekeng mona, ho na le e—e mola mona o kang, ka mona ho phela libopuaa tse shoang. 'Me e mong le e mong o hara pherekano e kholo ena ea monyaka, ea botšo le lefifi. Batho ba shoang ba phela ka mona. Joale, ba susumetsoa ho tsoa ka *mona*,

kapa ho tsoa ka *mane*. U ke ke ua ba motho oa moea mona, moetsalibe kapa mohalaleli, u sa susumetsoe ho tsoa lefatšeng le katlase kapa lefatšeng la holimo. Haeba u susumetsoa ho tsoa mona, u tsoa holimo. 'Mele oa hau oa leholimo o letile holimo mona. Empa haeba u le khopo, u le moikaketsi, u le monyemo, 'mele oa hau oa leholimo o tlase mona, ho sa tsottelehe hore u nahana ha kae hore o holimo mane; hobane tholoana eo u e behang ka pel'a batho e paka moo u tsoang teng. Kahoo u seo u leng sona mona seo u leng sona nqa e 'ngoe. Bophelo ba hau boo u phelang mona bo mpa bo supa seo lefa la hau le leng sona mohla u fallang mona. Na le a utloisia?

³⁸ Rona hona joale (oh, ha ke nahana seo) hona joale re tlotlisitsoe ka pel'a sefahleho sa Molimo, balumeli ba tsoetsoeng labobel. "Hobane mohla tabernakele ena ea lefatše e senyehang, re na le e seng e letile Khanyeng," ha se nqa e 'ngoe kae-kae, e letile hantle koana hona joale. 'Me mebele ena ea lefatše e feheloa ho apesoa ho sa shoeng. Na ho joalo? Ho kula, le mahlaba, le bohloko, le masoabi, le masisa-pelo, le... Oh! Ke tla thaba mohla ntlu ea khale ea maloetse e koetsoeng, lona ha le joalo? E, monghali! Re ka ea Hae. Ke hantle.

³⁹ Feela, rona, re feheloa ho apesoa, Moea o a feheloa. Oh, ha u sheba 'me u bona mahlaba ka nqa tsohle, pherekano eohle, ho nkha, le sebe, le bophelo bo shoang, le thetso, le tsohle, kea nahana, "Oh, Molimo, ho tla ea nako e kae?"

⁴⁰ Ka le leng la matsatsi ana ke tlil'o rera therò ea ka ea ho qetela, ke tla bea Bibele fatše tjena, 'me ke ee Hae. Oh, e tla ba nako e kakang eo. 'Me mohla tabernakele ena ea lefatše e senyehang mona, e ke se be motsotsana o le mong ke tla tla be ke le kahar'a e 'ngoe koana; le uena u tla ba joalo. Oh, khili! Ha ho makatse ba itse:

Kobo ena ea nama ke tla e lahla, ke tsohe,
Ho hapa moputso o sa feleng,
Le ho hoeletsa ke haola sebakeng.

Ehlile, ho nyolohela holimo.

⁴¹ Joale, hoo ho kae? Ebe re o fumana neng? Joale! "Bao A ba behileng ba lokileng, O bile o ba tlotlisitse." 'Me na lea elelloa hore mebele ea rona e tlotlisitsoeng, e sa shoeng e letile ka pel'a Sefahleho sa Jesu Kreste hantle joale, e re emetse ho fihla?

⁴² Na u a tseba ha lesea le tsoaloa lefatšeng lena, pele le hlaha le na le bophelo. Empa ha le eso hlhollo. 'Me hang feela ha lesea leo le fihla nthong ea lona... le qala le... le a tsoaloa... Matšoaf a lona a koetsoe kaofela, 'me le shoele. Mesifa e a thanya e a thefuleha. Empa ntho ea pele, ho patlotsa hanyenyane kapa habeli [Moena Branham o opa diatla tsa hae—Mohl.] *joalo*, 'me o tla "habea!" ho kha moea. Bothata ke bofe? Hang feela ha 'mele oo oa tlhaho o boptjoa ka ho mme, 'mele oa moea o teng o emetseng ho o amohela hang feela ha lesea leo le hlaha.

⁴³ 'Me ruri joaloka ha 'mele ona oa moea o ntse o boptjoa, ho na le 'mele oa tlhaho o emetseng ho o amohela hang ha o falla lefatšeng lena. Le a bona? Ka ho fapanyetsana, hantle ho khuttlela morao Edene hape (lea bona?), hantle feela morao.

⁴⁴ Joale ka mono, Molimo... Khele lefu, hoo ke feela—hoo ho khethula tsenene eohle ea lefu e leng teng. 'Me ha ho makatse Pauluse a ne a ka ema 'me a re, "Lefu, tsenene ea hau e kae? Lebitla, tlholo ea hau e kae?" A re, "Ho lebohuoe Molimo o re fang tlholo ka Morena oa rona Jesu Kreste." E, monghali. Tabernakele ena ea lefatše ha senyeha re na le e re emetseng, ka hona lebala ka eona feela.

⁴⁵ Joale ho uena, motsoalle, haeba u le moetsalibe ea botsitseng sena, Molimo a u hauhele. E, monghali! Ha u tlas'a tsuo hona joale, e sang mona, che! U tla atleha 'me u tsoele pele. 'Me hoo hohle ke ka baka la mehauhelo ea Molimo. Hoo hohle ke ka mehauhelo ea Molimo hore u atlehe 'me u etse seo u se etsang. Ke 'nete. Empa ka le leng la matsatsi ana, ha u le moetsalibe 'me soule ea hau e phorotseha, e tla ea koana kahlolong 'me e tla ahloloa. 'Me joale, u tla lahleloa hole, 'me u tla ba mahlomoleng ho fihlela letsatsi leo u tla khutlisetsoa lefatšeng lena hape. 'Me u tla amohela 'mele o sa shoeng, 'mele o sa shoeng, o sa ke keng oa shoa, le ho lahleloa lefifing le kantle moo ho tla ba le lillo, liboko, le litsikitlano tsa meno. U tla lahleloa liheleng, moo seboko se sa shoeng kapa mollo o sa timeng le ka mohla, 'me u tla hlokofatsoa mengoaheng eohle e tlang ho tla. Jesu o boletse seo. Seo ke setšoantšo se setšo, empa ke seo Bibele e seboletseng.

⁴⁶ Efela ha Molimo o ahlotse sebe hakaale 'me sa qosa moputso o mokaale, ho tla ba joang holane lipiriti tseo tse sa lokang li ka boela tsa lokolloa le ka mohla? Re tla fumana ntho e tšoanang le eo re bileng le eona lilemong tse likete tse tšeletseng tsa ho qetela. Na ho joalo? Ha ho sa tla ba le monyeta hape.

⁴⁷ Joale u re, "Be, ke lumela hore ha u ea lebitleng u—u ea liheleng." 'Mele oa hau u ea liheleng, ho joalo. *Lihela* li bolela "karohano." *Lefu* le bolela "karohano." 'Mele oa hau o a shoa, o a arohana. U tloha ho baratuoa ba hau mona, empa ha se seo re buang ka sona. "Motho o beetsoe ho shoa hang, e ntoo ba, kahlolo." Le a bona?

⁴⁸ Joale, ha u... haeba u tlameha ho emela kahlolo ea Molimo, u tla ahloloa ke Molimo o halefileng. 'Me Molimo o tla... o se o boletse seo O tlang ho se etsa. Kahoo u tseba seo kahlolo ea hau e tlang ho ba sona le pele u fihla mono. Kahoo ntho e lokelang ho etsoa ke ho bolokeha le ho rua sebōpuoa sena se tlotsitseng....

⁴⁹ Shebang. Haeba ke tlameha ho... haeba seperete sa ka... Shebang, ha re ntho e itseng e shoeleng; rea phela. Haeba—haeba ea ka... ha deseke ena mona... holane lehong lena mona le e-na le bophelo bo leng monoaneng oa ka, deske eo, 'me le ne le le bohlale ho itsamaisa, le ka sisnyeha joaloka ha monoana oa

ka o tsamaisa. Ha rea etsoa ka thepa ea mofuta oo. Re entsoe ka—ka—ka—ka lisele, le ka bophelo, le ka likhole; 'me seperete se teng mona se e laolang eohle. 'Me shebang feela hore o tlameha ho tsamaea kapele hakae. Shebang mona; letsoho la ka le ama ntho eo. Joale, haufinyane... Eka khona ho be le karabelo ea neketetifi le ea posetifi. Hang feela ha monoana oa ka o ama seo, o phopholetsa ntho eo. E fihlela kelellong ea ka ka potlako, 'me kelello ea ka e re, "E a bata," le ho honyela. Na lea bona ke ka potlako e kae eo? Kapele ho feta monahano, kapele ho feta ntho efe, ketsahalo eo mono. Ke eng? Ntho e phelang e teng ka mono, 'me mothapo oo o sebetsa kelellong. Na le bona seo ke se bolelang? Mothapo o a e ama, o a e phopholetsa, le ho bolella kelello, "E a bata." Kelello e re e a bata, hobane e phopholetsoa ke mothapo. Oh, khili! U bua ka popo.

⁵⁰ 'Me ebe, tseo tsohle... Ebe Molimo o tseba mohopolo o mong le o mong oo re o nahanang ka potlako e kakang. Sohle seo re se etsang, O a se tseba.

Ka baka leo ha molumeli a eshoa, o kena ka pela Sefahleho sa Moetsi oa hae, Molimo oa hae. 'Me moetsalibe, ha a eshoa, o ea sebakeng sa hae. Joale nakong ea ho khutla... Joale, ke bua joale ka Bakhethoa.

⁵¹ Empa ba bang ba tla hlaha tsohong ea bobeli, ba tla tlameha ho ema Kahlolong le moetsalibe, ho ahloloa le eena. Ke batla ho etsa bonneta ba ho fumana seo. Le a bona?

⁵² Joale, ho tla ba le... Ea pele e tla etsahala e tla ba—ho tla ha Monyaluo. Ho tla ba le batho lefatšeng... Ke... Le ka fapano hanyenyane le sena, empa mamelang ka hloko. Kahobane feela u amohetse Kreste joaloka Mopholosi oa hau, hoo ha ho bolele hore u kena Hloibilong. Eo e baletsoe Bakhethoa, ba tlang ho kena Hloibilong. Ho tla ba le masala mona lefatšeng a tla feta tlokotsing le Matšoenyehong a maholo. Kereke e tla nkeloa Hloibilong.

⁵³ Ke basali ba bakae mona ba sa tsebeng hore ha u il'o seha sekotoana sa thepa u ala lithepa ka tsela ena, le ho ala paterone ea hau tjena, le ho seha lithepa ho latela paterone feela. Na ho joalo? 'Me thepa e setseng ke mofuta o tšoanang oa lithepa tse ka har'a paterone. Na ho joalo? Empa ona ke mofuta oo u o nkang. U ka beella ntho eo kathoko ho e sebelisa hape, empa e—e lithepa tseo u li sehang ho eona...

⁵⁴ Joale, ke mang ea ralang paterone? Molimo, ka khetho. Amen! Molimo ka khetho o rala paterone. O itse, "Joale, Ke khethile pele lefatše le theoa... Ke rala lintho tsena..." Khele, Jesu o boleletse barutuo a hore O bile le bona, 'me O ba khethile, 'me o ba tsebile le pele ho theoa lefatše le ka mohla. Na ho joalo? Kahoo Molimo o rala moralo. Joale, Bakhethoa ba teng ba tla kena Hloibilong. 'Me ho tla ba le sehlopha sa batho ba lokileng, batho ba lokileng, ba halalelang, batho ba pholositsoeng ke

Molimo, ba ke keng ba kena Hloibilong; 'me ba tla hlaha tsohong ea bobeli, hobane . . .

⁵⁵ Oh, ke—ke tšepa u ke ke ua nkhaledela ha nka hlakisa taba e itseng mona ho uena. Le a bona? U se ke ua e etsa. Ke—ke tlameha ho e bua, hobane ke . . . e lula e le sekaqa feela ho 'na (lea bona?) ho e bua. Shebang. Joale shebang. Hape, ke tla bua sena: Batho ba teng ba lumelang tokafatso ka tumelo (lea bona?), 'me ba phela bophelo bo bottle, bo hloekileng, bo halalelang; ba lumela khalaletso le bona, ho amohela . . .

⁵⁶ Shebang Judase Iskariota. Judase Iscariot o ne a lokafatsoe mohla a lumetseng ho Morena Jesu Kreste le ho Mo amohela e le Mopholosi oa hae, Judase Iskariota. Judas Iscariot o ile a halaletsoa ho Johanne 17:17 'me a fuoa matla ho Mattheu 10 ho tsoa le ho leleka mademona. 'Me Judase Iskariota a khutla, hoba a folise bakuli le ho leleka mademona, 'me a khutla a thabile 'me a hoeletsa joalo ka mothethehi-mohalaleli ofe ea lokileng eo u kileng oa 'mona. Na ho joalo? Bibebe e rialo. Empa eitseha a fihla Pentekosta, a bontša mebala ea hae. Joale hlokomela seo—moea oo.

⁵⁷ Batho ba teng lefatšeng kajeno, batho ba lokileng ba Bakreste ba tla lumela tokafatso, bongata ba bona, likete, limillione tse lumelang tokafatsong. Empa ha ba batle ho amana le khalaletso ka letho. Re ka re bao ke Presbeteriene, Episcopalian, le joalo-joalo. Ba lumela tokafatso; ho e rera. 'Me e ntle; ba nepile.

⁵⁸ Empa joale, e—e Manazarenes, Pilgrim Holiness, Free Methodist e nyolohela khalaletsong. Ba lumela khalaletso. Ka nepo! Ba nepile. 'Me ba fumana tlholo, 'me ba hoeletsa, 'me ba rorisa Morena. Ba nepahetse; ba nepile. Empa bua le e mong oa bona ka kolobetso ea Moea o Halalelang, le matla, le lipontšo, le meeka, 'me ba tla bontša 'mala oa bona hona moo. Ho re, "Ha ke batle letho la seo. Ha ke lumele . . ." Hantle, esita le ho batho baheso ba ratehang ba Nazarene, ba lumelang hore motho ea buang ka lipuo ke oa liabolosi. 'Me, moena, u etsa seo, uena . . .

⁵⁹ Khele, ba ntšelitse Ngk. Reidhead kantle ho Sudan Mision, mopresidente oa eona, hoba a buile ka lipuo. Ho re, "Re ke ke ra e lumella."

⁶⁰ Ka re, "U ke ke ua rera joaloka Pauluse haeba ho le joalo. U ke ke oa amohela Evangelie ea Pauluse, hoba Pauluse o itse, 'Le se ke la thibela ho bua ka lipuo.'" Ke hantle. Empa bona—bona ba e bitsa ea liabolosi. Ba bone lintho tse ngata tsa maiketsetso, 'me ba e fetisetsa moo. Le a bona? Empa kereke e teng e lokileng le e halalelitsoeng; empa ba latola hoba kolobetso ea Moea o Halalelang ke mosebetsi o fapaneng le khalaletso. Empa ke eona—ke mosebetsi o fapaneng. Ehlile ho joalo.

⁶¹ Ho tsoile lielemente tse tharo 'meleng oa Kreste. 'Me tsona lielemente tse tsoileng 'meleng oa Hae ke tseo re se sebelisang ho

kena 'Meleng oa Hae. Ho ne ho le metsi (na ho joalo?), Mali (na ho joalo?), le Moea. 'Me Jesu, Lengolo le boletse, "Ho le ba bararo ba pakang Leholimong, Ntate, Mora, le Moea o Halalelang. Boraro bona ke ntho e le 'Ngoe; ke ntho e le 'Ngoe. Empa ho le ba bararo ba pakang lefatšeng; hase ntho e le 'ngoe," a re, "empa li lumellana nthong e le 'ngoe: Metsi, Mali, le Moea." Na ho joalo?

⁶² Joale, u ke ke oa fumana Ntate kantle ho Mora. U ke ke oa fumana Mora kantle ho Moea o Halalelang, hoba-... empa u ka beoa ea lokileng kantle le ho halaletsoa. 'Me u ka lokafatsoa le ho halaletsoa 'me u ntse u se na kolobetso ea Moea o Halalelang. Le a bona? Ke 'nete. Leo ke Lengolo. "Tse tharo tsena," a re, "tse pakang lefatšeng, metsi, Mali, le Moea; 'me li lumellana bonngoeng." Le a bona? Ha se ntho e le 'ngoe, empa li lumellana nthong e le 'ngoe, hobane ke Moea o le mong ka tekanyo. Molimo o re fa Moea ka tekanyo.

⁶³ Joale, Luthere, tlas'a tokafatso, ke seo a se rerileng. Na ho joalo? Luther o ile a rera, "Ba lokileng ba tla phela ka tumelo." 'Me o ne a tšoere molaetsa o moholo. 'Me eo e ne e le karolo ea Moea o Halalelang. Eaba Luthere, mohla molaetsa o hlhang, Molimo o ne o tla hlahisa Kereke ea Hae le ho E romela e le kholoanyane (oh, khili!), Luther o itse, "Oh, rea lumela re E tšoere mona."

⁶⁴ Empa John Wesley o itse, "Oh, che!" Eena le George Whitefield le bao, ba itse, "Re lumela khalaletsong, hoo, e le mosebetsi oa bobeli o tiileng oa mohau." Na ho joalo? 'Me ba rerile ka Mali. Be, haeba Luther a ne a sa batle ho nka khato, Molimo o e neile feela Mamethodise a Wesele. Le a bona? 'Me ba e fumane. 'Me ba tšoara tsoseletso e haotseng lefatše, le Kereke ea sebele.

⁶⁵ Be, joale, nako eo ha e fihla.... Joale, eaba ho latela bopaki ba Moea o Halalelang bopaki ba mehlolo, meeka, le lipontšo. Joale, Wesley ha a batle ho lumellana le sena. Joale, holane Wesley a ne a le lefatšeng le Martin Luther a ne a le lefatseng mehleng ena, ba ne ba tla lumellana le eona, empa ba batla ba fihlide lekhetlong labobeli la makhetlo a a mane kapa a mahlano a baapostola ba feta hara eona, 'me ba e sesefile eohle kaofela.

⁶⁶ Joale, Pentekosta e ile ea amohela 'me ea lumela ho buoa ka lipuo. Eaba ba e fetola "bopaki ba mantlha," hore e mong le e mong o ne a loketse ho bua ka lipuo. Eo ke phoso. Empa joale—joale ba a khutla.... Tseo e ne e le litšobotsi tse abiloeng ke Molimo. Joaloka ha ke sa khone ho ithusa, hoba ke le mahlo a maputsoa, kapa.... Molimo o e abile feela. Tseo ke lineo feela ka har'a Kereke. Molimo o li beile ka hare. "Molimo o beile ka hare ho Kereke...." Le a bona?

⁶⁷ Joale. Empa ha ba fihla ba ipapisa le seo.... Joale, ba ile ba fumana lehlohonolo le leholo, ba fetela ka nqane ho Maluthere kapa eona—Methodise, efe feela ea tsona. 'Me joale,

ba hlophisitse ho fihlela ba mpefala ho feta Methodise kapa ba bang, Mapentekosta. 'Me joale, ba fihlile moo lekhetlo labobel i le laboraro . . . E batla e le lilemo tse mashome a mane ho tloha ba qalile ho amohela ho bua ka lipuo. Empa sefate sena sa Molimo se jere litholoana tse robong tse fapaneng ho sona. Joale, u ka ba le efe ea litholoana tsena. Le a bona? Molimo o li rometse, empa ka kakaretso e tsoa sefateng.

Joale, tokafatso, e shebeng.

⁶⁸ Shebang thuto ea hoseng hona. Mohla Kahlolo e neng e lula, 'me libuka li phetloa . . . Joale, Jesu o tlie le likete tse leshome atisa ka likete tse leshome tsa bahalaleli, 'me Kahlolo ea lula. Ke bana bohle ba potile Terone e Tšoeu ea Kahlolo (joaloka ha re haotse le Lengolo le eona), 'me libuka tsa phetloa; 'me ha phetloa le Buka e 'ngoe eona e le Buka ea Bophelo. 'Me bana ba leng Hloibilong ba ne ba ba ahlola. Na ho joalo? Bao ba seng ba ile lapeng 'me ba amohetse mebele ea bona e tlotlisitsoeng, 'me ba phetse har'a Mileniamo, ba ne ba le mona Teroneng e Tšoeu ea Kahlolo, ho ahlola bao. O itse O tla arola linku ho lipoli.

Joale, u re mona, "Khele, joale sheba." U re, "Na hoo ho hlaha . . . Ke ho kae, Moena Branham?" Kahlolong ea Terone e Tšoeu.

⁶⁹ "Ho ka thoeng ka Hloibilong?" Be, nakong ea Hloibilo . . . Jesu o e le papiso. 'Me A e ruta ka litsela tse ngata tse fapaneng. Tsela e 'ngoe ke ena. O boletse ho tsoile baroetsana ba leshome ho khahlanyetsa Morena. 'Me ea- . . . Bohle e le baroetsana, empa ba bang ba tšetse Oli maboneng a bona 'me ba bang ba lesa Oli ea fela. Na ho joalo? 'Me eitseha Monyaluoa . . . Joale, Oli e ne e le eng? Oli e ne e le Moea o Halalelang; Bibele e itsalo. Joale shebang. E ne e le baroetsana. Joale, *moroetsana* o bolela'ng? "E halalelang, e hloekileng, e arotoeng, e halalelitsoeng." Na ho joalo?

⁷⁰ Holane ke tšoere galase mona ke ne ke tla le bontša eng . . . Mona, ho tea mohlala joaloka botlolo ena mona, holane e ne e le lephaka, 'me ke e thonaka, 'me e le litšila kamoo e ka khonang . . . Ke batla ho e sebelisa. Joale, ntho ea pele eo ke batlang ho e etsa ke Tokafatso. Ke e thonaka hobane ke batla ho e sebelisa. E litšila; ke e fumane ka har'a—ka lesakeng la kolobe, kapa hohle moo e neng e le teng. Joale, haeba ke le motho ea lokileng, be, ha ke batle ho beha ntho e hloekileng eo ke tlang ho tlameha ho e sebelisa. Ke—ke tlameha ho hlophisa ntho eo pele. Joale, ntho e molemo ka ho fetisia e ka etsoang ke ho e hohla, ho e hloekisa, le ho e halaletsa. Na ho joalo? Joale, lentsoe *halaletsa* le bolela'ng? "E hloekisitsoeng le ho behelloa ka thōko bakeng sa tšebeletso." Mafiso a tempele ea khale a ne a hloekisoa 'me a behelloa ka thōko bakeng sa tšebeletso.

⁷¹ Joale, Kereke ke eo: Molimo o ba nyolotse mongoaheng oa Luthere, tokafatso; Mongoaha oa Wesley, O ba halalelitse; 'me

mongoaheng ona O a ba tlatsa. Le a bona? O kenya Bophelo ka ho bona. 'Me etlare ha sena, Bophelo ba Hae ka Moea o Halalelang... Moea o Halalelang o ba thonakile; Moea o Halalelang o ba halalelitse; Moea o Halalelang oa ba tlatsa. Le a bona? Ke Kereke e le 'ngoe eohle.

Empa joale shebang. Joale letsatsing lena . . .

⁷² Joale, ke nahana hore Luthere, Wesley, le bao bohle, bongata ba bona ba tla kena Hloibilong. Ba ne ba ruile karolo ea Moea e neng e reretsoe bona; ba e lumetse.

⁷³ Joale, Hloibilong... Batho ba teng kajeno ba keneng liphuthehong tseo ba sa kang ba tsoelapele. Ke e . . . Ho bile le mokhatlo o le mong feela, eo ke Kereke ea Molimo; 'me E ntse e tsoela pele ka ho tšoana. Empa mekhatlo ena e pshatlide lintho tsena joalo. 'Me batho ba bangata kajeno ba tla sheba kolobetso ea Moea o Halalelang 'me ba e bitsa bosaoana. Empa leha ho le joalo ba lokafalitsoe; leha ho le joalo ba halalelitsoe. Empa ba re, "Oh, letomotomo leo, nyee eo."

⁷⁴ Ke a tseba hore liabolosi o hlomme litšosa tsa mefuta eohle. Ke hona moo u fumanang liapole tse ntle, ke moo setšosa se leng teng. Ke hantle. Se koekoetle feela, u tlohe u je liapole. Le a bona?

⁷⁵ Joale, sena . . . Eaba Molimo o tlatsa ka Moea o Halalelang . . . Eaba O bea Kereke ea Oona ho E tloltisa. Ho Tleng labobelis, Kereke ke ena e khutla, Monyaluo. Joale shebang. Bonang haeba ba feta Lekhatheng la Matšoenyeho. O itse, "Baroetsana bana, ba tlie ba re, 'Re qhatsetseng Oli ea lona.'"

"Monyali o a tla!" Ha tumisoa, "Bonang, Monyali o a tla. Tsoang le Mo khahlanyetse."

'Me baroetsana bana, bao e neng e le baroetsana, ba halalelang, ba halalelitsoeng (nahanang ka seo), batho ba halalelang, ba halalelitsoeng ba se na kolobetso ea Moea o Halalelang, ba itse, "Re qhatsetseng Oli!"

⁷⁶ 'Me Kereke ea re, "Re tšoere e lekaneng rona feela. Nyolohang le eo rapela." Empa e se e le morao lekhatheng leo. Ka hona, eaba kereke e kena Lenyalong, 'me bana ba bang ba lahleloa lefifing le kantle (ho joalo?), moo ho neng ho le lillo le liboko le litsikitlano tsa meno; 'me ba feta har'a hloriso, ba sotleha, ba shoa.

⁷⁷ Jesu o ile a khutlela lefatšeng. Puso ea Mileniamo ea kena, lilemo tse sekete le Eena. Eaba ho nyoloha e—e ba lokileng le ba sa lokang. 'Me Ba ahlola motho e mong le e mong. 'Me lipoli tsa ema lehlakoreng le leng le linku ka ho le leng. 'Me eaba Molimo o fihla le ho nka Kereke bophareng ba lefatše bakeng sa kopano ea liahelo, moo bohle re phuthehang le baratuoa ba rona. Le a bona? Phapang ke eo.

⁷⁸ Joale, batho bana mona . . . Ruri ha re shoa, haeba re le ka ho Kreste Jesu, re tloha ho teana le 'Mele o moholo oo koana, Kreste Jesu. Haeba re le baetsalibe, re tloha ho ba 'moho le 'mele o moholo oo oa ba sa lumeleng; 'me Molimo o boletse kabelo ea rona e le 'moho le baikaketsi, le joalo-joalo, liheleng. Amen! Eka tsoa e sa hlaka hantle feela.

Empa, a re boneng joale haeba re ka fumana . . . Keletso e nyenyane feela mona.

16. Ka kopo hlalosa Exoda 24 . . . khaolo ea 4 le temana ea 24. Lengolo lena le bolela—hore Molimo o ne o rerile ho bolaea Moshe kapa mora oa hae? 'Me hobaneng?

⁷⁹ Re tseba moo seo se leng teng, Exoda 4:24. Ke potso e ntle eo. Joale, mona re tla e bala hantle mona nakoana feela. Exoda 4 le 24:

Eare ha ba le tseleng tlung ea baeti, MORENA a kopana le eena, 'me a batla ho 'molaea.

Ba bakae ba hopolang pale? Joale, Molimo o file Abrahama, meloko pele ho Moshe, pontšo ea lebollo. 'Me seo e ne e le selekane seo Molimo o se entseng, hore Mojuda e mong le e mong a bolle. Na ho joalo? Monna e mong le e mong o loketse joalo . . . Eo e ne e le pontšo.

⁸⁰ Mme na kajeno re bolotse? Ka Moea o Halalelang, eseng ka nama.

⁸¹ Joale. Joale, Molimo o fane ka taelo ena, "'Me e mong le e mong e motona o lokela ho bolotsoa." 'Me Molimo, eitse ha A bitsa Moshe ho theohela mono le ho lopolla bana ba Israele, Moshe o ne a e-s'o ka a sebeletsa mora oa hae, eona pontšo e pholosang. Na le bona seo ke se bolelang?

⁸² Ho ka ba joaloka ha nka re, "Lona kereke eohle joale, e mong le e mong oa lona—a kene a kolobetsoe mona ka metsi, 'me re u etsa setho sa kereke. Bohle re ea Khanyeng 'moho." Khele, moena, hoo ha se Lengolo. Haese ha u tsoetsoe labobeli, o bololitsoe ke Moea o Halalelang . . . U tlamehile joalo. Ha ke tsotelle u lokile ha kae, u kena kereke efe, batsoali ba hau ba ne ba lokile ha kae, haese ha u tsoetsoe labobeli ka Moea o Halalelang, u ke ke oa kena Hloibilong le ka mohla. Le a bona? U ke ke oa ea. Ke eona pontšo e pholosang, lebollo; 'me lebollo ke ka Moea o Halalelang. Joale Molimo . . .

⁸³ E—e motho ea botsitseng sena: "Na—na Lengolo lee le bolela Molimo o ne o rerile ho bolaea Moshe kapa mora oa hae? 'Me hobaneng?" Molimo o ne o setse Moshe morao. 'Me o pholositsoe ke Sefora a inotsi. Hobane Sefora a nka lefika le bohale, a tloha, a poma ntlha ea lipejana tsa lesea la hae, a e lahlela pel'a Moshe, a re, "U monna ea mali ho 'na." Na ho joalo?

⁸⁴ 'Me Molimo a ka be a tlositse bophelo ba Moshe, empa mohlolomong Lengeloi le ne le eme mono, ho re, "Sefora! E tšoare kapele!" Le a bona?

⁸⁵ 'Me Sefora a tloha a bolotsa lesea. Ho re, "Moshe, u—u ikhathatsa haholo ka ntho e 'ngoe le e 'ngoe le ka leeto la hau, ebile moshanyana oa hau ha a bolotsoa."

Ke ipotsa khafetsa... Ka linako tse ling ke kopane le batho ba itseng, "Oh, tlotsiso ho Molimo. Morena o batla hore ke etse ntho e *itseng*. O batla hore ke ee Afrika, India."

⁸⁶ Ka re, "Na u kile ua botsa monna oa lebese haeba a pholositsoe? Na u kile ua botsa moshemane oa pampiri ea litaba haeba a tsoetsoe labobeli? Ho ka thoe'ng ka moahelani oa hau, na ba pholositsoe?" Le a bona? Joale, eo ke potso. Le a bona? Haeba e le ka pelong ea hau...

⁸⁷ Mona nakoana e fetileng mosali o kopane le 'na tlase mona Florida. 'Me mosali e monyenyan, ha ke na mokhoa... Ha ke moahloli. Empa morerinyana o kile a fihla mona 'me o rerile sefaleng sena. 'Me mothoana eo naheng e 'ngoe o ne a nyetse 'me a e-na le mosali, bana ba bararo kapa ba bane. 'Me mosali enoa e ne e le mosali oa mohlolahli. 'Me ba ne ba tsoa Texas, 'moho ho tla koano mona ka koloi e kholo ea Cadillac. 'Me mosali a kena. 'Me o na le tokelo ea ho apara kamoo a batlang, e ne e sa etsa letho ho 'na; empa joaloka mosali oa Mokreste a sa apara joaloka eena. O ne a (oh, khili!), o ne a... o ne a leketlisitse ntho e telele... masale a tsebe (hore le e bitsang) li leketlile tjena, 'me o ne a netile nyee e—e ngata molomong oa hae; 'me—'me—'me lintši tsa hae li khaotsoe 'me a qamachisitse lintši tse ling, ka pensele, li manehiloe. 'Me a re, "Moena Branham," ho re, "Morena o mpiletsha naheng eseles."

Ka re, "Na O etsa joalo?"

"E!" 'Me a re, "Ke tsamaea le monna enoa."

'Me ka re, "Be, haeba Morena a u bitsa, be, ho lokile." (Empa ka tholoana ea bona... Ho 'na a sa bonahale e ka... Le a bona?)

'Me a re, "Na ha u lumele Morena...?"

⁸⁸ Ka re, "Joale, u se ke oa mpotsa. Haeba Morena a u boleletse, u etse seo Morena a u laetseng ho se etsa. Empa ho 'na, ha ke hopole joalo, bakeng sa ka. Ke tla tšepahala feela ho uena."

A re, "Be, hobane'ng ha u nahana joalo?"

Ka re, "Ntho ea pele, uena joaloka mosali ea nyetsoeng le monna enoa ea nyetsoeng ha e shebahale hantle, lona ba lulang tlase mona motseng 'moho. Haeba ntho e le teng e lihelang sekhobo ke eo. Le a bona?" 'Me ka re, "Joale, ntho ea pele..."

⁸⁹ Joale, ho ne ho etsahetseng ka mosali eo? Ntho eona eo e ka be e... O ne a sa phetse ho liila hohle a sa amohela Moea o Halalelang, joaloka mosali eane koana kajeno ea ntetselitseng

'me a batla ho nyaloa ke monna eo, a tlohela monna oa hae, 'me a nyaloa ke monna eo. O ne a fihlile sebakeng se tjena, mohlomong khetlo le leng o kile a kopana le Molimo, empa haesale a ntse a lakatsa lintho tsa lefatše. 'Me ka 'motsa; ka re, "Na u amohetse Moea o Halalelang?"

A re, "Ha ke eso khone, empa ke ntse ke O batla."

⁹⁰ Ka re, "U fumane Moea o Halalelang pele, 'me O tla u bolella monna eo u lokelang ho mo fumana." Ke hantle. Le a bona?

U—u na le... Ke seo e leng sona. Haeba u sa etse joalo, u tla shoa moeeng. Molimo o batla ba bangata bosiung bona, bao A kokotileng pelong tsa bona hangata. [Moena Branham o kokota sefaleng—Mohl.] 'Me mohla o mong ona O tla koala monyako, 'me—'me mohau o felile. Le a bona?

⁹¹ Ehlide, Molimo o ka be o tlositse bophelo ba hae. O itse O ne o 'matla. Mamelang kamoo Lengolo le balehang:

Eare ha ba le tseleng tlung ea baeti, MORENA a kopana le eena, 'me a batla ho 'molaea. (Moshe. Joale, hlokometlang.)

Eaba Sefora o nka lefika le bohale—lejoe le bohale, a poma ntlha ea lipejana ea mora oa hae, a e lahlela maotong a hae, a re, Ruri u monna ea mali ho 'na.

⁹² Ke hantle. Joale, Molimo o ne a sa batlane le mora. Molimo... Leseanyana leo le fokolang le ne le sa tsebe hore ho etsoe'ng; ha le na molato. Empa khang e ne e le ena, e ne e le ntate oa leseya, ea neng a theolela leseya tlase mono ho lokolla bana ba Israele tlas'a ponts'o ea lebollo; koana esita le mora oa hae ka seqo a sa bolotsoa. Le a bona? 'Me Sefora a e khaola ka lejoe, ntlha ea lipejana, a e lahlela fatše, a re, "U monna oa mali ho 'na."

17. Ka kopo hlalosa meeleo ea Lengolo, le mohla le tla phethahala: Esaia 4 le 1. Kea leboha.

Ho lokile. Re tla phetla joale... Lona batho ba tšoereng Libibele tsa lona 'me le batla joalo, re tla bona eng... Ha kea fumana monyetla oa ho sheba sena, empa ka hopola re tla fumana karabo ea mofuta. Ke rona bana.

'Me ka hare... (Oh, ee!) 'Me ho tla fihla... 'Me ka tsatsi leo basali ba supileng ba tla itšoarella ka monna a le mong, 'me ba re, Re tla ja bohobe ba rona, re tla ikapese liaparo tsa rona: feela re bitsoe ka lebitso la hau, u tlose nyatso ea rona.

⁹³ Be, moena, e batla e atametse habohloko hantle hona joale. Naha ea rona e koenehile ha kaakang! E reng ke bolele sena, metsoalle ea ka e ratehang ea Mokreste. E reng ke bue sena ka tlhompho ea borapeli ho bohole: Haeba ho kile ha... Le lona batho ba mona ba ithutileng nalane, re tseleng e tšoanang le

eo sechaba ka seng se khabane se oetseng ho eona mengoaheng eohle, ho bolisa mekhoa, ho khutlela morao hantle.

⁹⁴ Joalokaha ke boletse hoseng hona... Ntšoareleng ha ke e pheta. Koana mafatšeng a sele monna o fihla ho 'na a re, "Moena Branham, basali bao le ba tšoereng mono ke ba joang? Be, lipina tsohle tseo le li binang, ke lipina tse itseng tsa khale tse litšila ka basali ba lona." Ke eona. Mefuta eohle... pherekano e itseng ea—ea—ea...

⁹⁵ Be, na le a tseba ke'ng? Haeba le batla hore ke le bolelle ka mantsoe a seng makae, ke tla le bolella hantle. Lefatše le kene maemong a mofuta ona, hoba ke Sodoma le Gomora tsa seojoale-joale. Ehlide! Ke thonakile pampiri California. 'Me ke lebala likete tse kae selemo le selemo tseo ba li fumanang, ho tseba, tsa keketseho ea basodoma. Esita le takatso ea bona ea tlhaho e... lipakeng tsa monna le mosali, joalo-joalo, e furaletse batho. Hantle feela seo Molimo o boletseng se tla etsahala. 'Me tsa bona...

⁹⁶ U nka tse ling... Ho bona hore na ea tumang ke mang. Mamela seea-le-moea sa hau, kapa lithelobishene, kapa eng u nang le eona, 'me u fumane. E mpe haholo ebile e silafetse... Ke pina ea mofuta ka mosali e mong kapa ntho e kang eo, ke eona ntho e tumang.

⁹⁷ 'Me e fihlile moo re bonahalang re sa tsotelle nqa basali ba rona, kapa, basali ba rona ha ba ikhathalle. Ke seo e leng sona. Hola mosali a ka ipoloka a lokile, monna o ne a tla lokela ho tsamaea hantle. 'Me mono ha se ho buella monna, empa ke a tseba hoo ke 'nete. E, monghali! Empa ke eng? Ke feela e—e boemo bo nyarosang, 'me bo etsahala feela. 'Me ke ho latela Lengolo. Bibele e boletse ho tla ba joalo. Ka hona re ka fumana tsoseletso joang? Re ka fumana le tsoseletso joang?

⁹⁸ Mamelang, metsoalle ea Mokreste. Metsotsong e 'maloa e setseng e reng ke le botse taba. Re fumana bo-Billy Grahams. Re fumana bo-Jack Shulers. Re fumana metsamao ea mefuta eohle e fapaneng ea bolumeli e potoloha lefatše. 'Me esale e tsoeletse lilemo tse tšeletseng kapa tse supileng tse fetileng ho haola le United States ka sekhhahla seo ba ka khonang, 'me ha ho tsoseletso. Hobane'ng? Menyako e a koaloa. Re tšoasitse tlhapi e 'ngoe le e 'ngoe, joaloka ha ke boletse hoseng hona, letangoaneng. Mohlomong e le 'ngoe kapa tse peli li sa ntse li hlahile kae-kae.

⁹⁹ Billy Graham o ne a tšoere kopano (kea kholoa Boston kapa kae), 'me ba tlalehile litšokoloho tse likete tse mashome a mabeli le motso o mong livekeng tse tšeletseng. Ba khutlela morao liveke tse 'maloa hamorao 'me ha ba fumana mashome a mabeli. E nahaneng! Moena, ho se ho batla ho felile. Nka bua taba mona. Le a bona?

¹⁰⁰ Re phela matsatsing ao Molimo o a boletseng a tla fihla. 'Me re phela matsatsing a ho qetela. 'Me re phela mehleng eo

banna . . . Ho sa tsotellehe seo re lekang ho se nahana ka eona, Lentsoe la Molimo le re tlaleha re ne re reroe pele. Ke hantle. 'Me seo Molimo o se bitsitseng se tla tla ho Molimo; 'me seo Molimo o sa se bitseng se ke ke sa tla ho Molimo. Molimo o a bitsa, 'me ba hana, 'me O a bitsa, ba hana. Joale, ha ke re Molimo o ahlola motho. O mpa o sa rate hore bohole ba ka . . . hore mang a ka timela, empa hore bohole ba finyelle pakong. Empa hore e tle e be Molimo, O—O ba tsebile qalong hore ba ne ba sa tl'o tla. Koana O ba file monyetla, empa ha ba ka ba tla.

¹⁰¹ Joang . . . Haeba a sa tsebe seo, O tsebile joang hore re tla tea likariki tse sa huloeng ke lipere? O tsebile joang hore mehla ena e tla fihla joaloka ha re e fihletse joale? Hobaneng A itse, "Motho o ne a tla ba hlooho-thata, baikhohomosi, ba ratang menyaka"? Khele baporofeta bohole ba boletse esale pele hore lintho tsena tse ling tsohle li tla hlaha ho tloha tšimolohong? Molimo o tsebile tsohle. O tseba se tlang ho ba teng. 'Me monna o teng ka mono eo Molimo o mo boneng tsamaong ea nako le ho re, "Ba ke ke ba tla." 'Me ba ahlotsoe ke tsuo eo, hoba ba ikhethetse eona ka bobona. Amen! Ke moo.

¹⁰² 'Me kea lumela, moena oa ka, khaitseli (ke bolela sena ka tlhompho ea borapeli le ka tšabo ea Molimo pelong ea ka), Kea lumela Amerika e tetebetse! E nyehlile. E theohile e kobonetse. E a haula.

¹⁰³ Nahanang feela mona, joaloka ha ke bolela ka—ka ho araba Lengolo lena, basali ba supileng ba phamola monna a le mong. Ntoeng ea Pele ea Lefatše . . . Ntoa ea Bobeli ea Lefatše . . . Ke tsoere e—e sekotoana sa koranta ea lehae. Le ka ipalla sona. Ho itsoe, "Ho etsahetse'ng ka boitšaro ba basali ba rōna ba Amerika? Masole a mabeli ho a mararo a hlaliloe ke basali ba bona ba ile mose ho maoatle likhoeling tse tšeletseng tse qalang." Ba babeli ho ba bararo ba hlaliloe. Basali bana ba tloha feela ba tsoa ba ikela. Hobaneng ho le joalo? Haeba le ka utloisisa, metsoalle, ke moea oa nako.

¹⁰⁴ Re tlameha ho kena moeeng oa matsatsi a ho qetela mohla matsatsi a ho qetela a fihlileng. Ha u ea holong ea tantši, u tlameha ho kena moeeng oa tantše, ho seng joalo ba ke ke ba tantša. Ha u ea kerekeng, u tlameha ho kena Moeeng oa borapeli pele u ka rapela. Lefatše le tlameha ho kena moeeng oa matsatsi a ho qetela pele matsatsi a ho qetela a ka fihla, 'me re moeeng oa matsatsi a ho qetela. 'Me Molimo o tsepisitse lintho tsena li tla ba teng mona, 'me ke seo re se fumanang. Re matsatsing a ho qetela. 'Me banna le basali ba lutse ba robetse 'me ha ba eleloe.

¹⁰⁵ 'Me maitšaro . . . Ke kopane le moshanyana mona ka tsatsi le leng koana ho . . . oh, nakoana e fetileng, hoetla ena e fetileng. 'Me re ne re kena motseng. 'Me a ntse a mpolella, moshanyana oa sekolo se phahameng ea neng a nyetse. A re, "Ke nyetse ngoanana enoa, hoba e ne e le ngoanana ea lokileng, 'me a tlameha ho

mo nyala pele a qeta sekolong se phahameng.” A re, “Ha re eso fumane eo e leng moroetsana, ho ea kamoo ke tsebang, sekolong se phahameng ka lilemo tikolohong ena.” Le a bona? Mekhoa e nyehlileng feela hakaale.

¹⁰⁶ ’Me le tlase ho kena California, ka feta literateng linqalang moo mapolesa a tla u bolella ho sutha seterateng. Ho kotsi ho monna ho feta seterateng ho feta mosali. Mechoporo e lefifi. Oh, Molimo, hauhela! Na ha le tsebe Bibele e boletse lintho tseo li tla fihla?

¹⁰⁷ ’Me pejana A akhela seriti sa eona Sodoma le Gomora, le ho theohela mono, ntho eona eo e etsahetsee—e etsahetse, ke rialo. ’Me Molimo oa theola mollo ’me oa chesa sebaka seo. Lona letšoao la pontšo ho supa hore lefatše ka bophara, ha ho fihloa sebakeng seo, e ne e tla amohela [Sekheo lebanteng—Mohl.] ntho eo.

¹⁰⁸ Re matsatsing a ho qetela. Ehlile. Basali ba supileng ba itšoareletse ka monna a le mong, ba re, “Re tla ja bohobe ba rona ’me re apare liaparo tsa rona, feela re mpe re bitsoe ka lebitso la hau ho tlosa nyeliso ea rōna.” Moena, ha u a tlameha ho tloha United States. Sebaka se seng feela seo nkileng ka se bona bophelong ba ka sona ke se hopotse se le sebe ho feta literata le lintho tseo nkileng ka fihla ho tsona sechabeng sa habo rona. ’Me ha re ntlaufale. Re eketsa ho mpefala le ho feta ka linako tsohle. ’Me hopolang, ke bua ka Lebitso la Morena. Re tla tsuela pele ho mpefala le ho feta. Tšepo e ’ngoe feela, ’me ke ka ho Kreste Jesu. Ho sa tsottelehe seo u se etsang.

¹⁰⁹ Ke hlabile mokhosi, ke haotse le sechaba mona. ’Me Molimo o tsositse esita le bafu. ’Me ra kena metseng; ’me ha phahama batho ba lutseng litulong tsa likooa ka lilemo, le ho feta har’ a motse ka morao ho literaka, ba sututsa likariki tsa bona le lintho tse joalo. Le basali, bao lingaka li ba tlalehileng ba shoele, ba ne ba katlalitse liekeserei tsa bona tse ngotsoeng lebitso la ngaka holimo ho eona, a ile a tsosoa bafung. ’Me motse ’ohle o ne o khohletse morao le ho re, “Huh, bokhoni ba ho bala kelello; sehlopha sa bahalaleli-bathethehi.” Oh, u ke ke ua lebella letho lesele haese tsuo! Oh! Ke hantle!

¹¹⁰ Kahlolo e fihlide mona, ’me le tla lokela ho e amohela. Moena, balehela khalefo e tlang le ho ea ho Kreste Jesu kapele kamoo u ka khonang! Tsoa linthong tsena! E, ke moea oa matsatsi a ho qetela. Lintho tse ngata li ka boleloa. Ke tla potlaka.

18. Re u kopa ho re bolella kamoo Morena le Mopholosi oa rona Jesu Kreste a re lebeletseng ho kena tlung ea Morena oa rōna ho tla khumama?

¹¹¹ Ho lokile, eo e ntle. Eo e ikhethile ruri kerekeng efe kapa efe. Molimo o lebeletseng hore u tle tlung ea kereke... Joale, eo ke potso feela, ke potso e nepahetseng feela. Ha se Lengolo; eona... koana e ntse e le lona. Ema, ke tla u bolella seo A se buileng.

Tabeng ea pele, haeba u batla Lengolo, batho ba loketse ho tla tlung ea Molimo ka morero o le mong, ke ho rapela, ho bina lifela, le ho khumamela Molimo. Molimo o re lebelletse joalo. Ha O a re lebella ho kena ka tlung ea Molimo ho tla qoqa ka tsa rona . . . kapa ntho e 'ngoe, kapa ho bua ka ba bang, kapa ho bua ka seo re tlamehang ho se etsa har'a veke; O re lebeletse ho Mo khumamela. Ke ntlu ea thapelo. "Me tsohle li lokela ho etsoa ka hlompheho le ka tlhophiso," ho boletse Pauluse ka Bibeleng. Tsohle li lokela ho ba hantle. Molaetsa o tlameha ho ba teng.

¹¹² Ntho ea pele eo nka e buang, ho latela melao ea Kereke ka har'a Testamente ea Khale, kapa, Testamente e Ncha ke rialo, tabeng ea pele, batho ba kene ka kerekeng ea—ea Molimo ka Moea oa khumamelo. 'Me ba ne ba kena, ho binoe lifela. 'Me mohlomong moreri a bue, hoba e ne e le moporofeta oa kereke. (Moporfeta oa Testamente e Ncha ke 'moleli; re tseba seo: "Bopaki ba Jesu Kreste ke Moea oa boporofeta," ho boletse Tšenolo.)

¹¹³ Joale, moreri o qala a rera. A sa rera, mahlohonolo, hantle feela, mohlomong qetellong ea theroy ea hae, a qala a theoha; batho ba tla re, "Amen," ba qala ba boka Molimo. E re hang hoba a khaotse ho rera, ho ka hlaha molaetsa, mohlomong ka ho bua ka lipuo tse sa tsebjoeng (Bakorinthe ba Pele 14:13, 14). Joale—joale e ka re ha mofetoleli a le sieo ka phuthehong, motho eo o lokela ho ikhutsetsa, hoba ba buoa ka lipuo ka nepo, empa ba e etsa pel'a Molimo. Le a bona? Empa haeba ba buoa ka lipuo 'me mofetoleli a le teng, toloko e loketse ho hlahisa molaetsa. Likereke tsohle li fihla moo.

¹¹⁴ Charles Fuller, leha koana a nkhangyelitse le ho nketsa joalo mabapi le taba eo mohla ke neng ke le kantle mono, o a e amohela joale. 'Me ba e etsa Long Beach. E, monghali! Hantle lebopong, hantle ka har'a oditoriamo, ba apere mahlohonolo a Molimo, ho bua ka lipuo, tlhaloso ea lipuo, le ho rapella bakuli. 'Me a ema le 'na lifahleho li talimane, a re, "Moena Branham, ha ke lumele nthong eo."

Ka re, "Che, ho ho uena. Ha e a etsetsoa ba sa lumeleng, Moena Fuller, ke ea ba lumelang." 'Me joale o rera ntho eona eo. Nako e a tla; makhaola-khang a teng.

¹¹⁵ Joale, haeba e lutse ka taolo, haeba sena e le seo u neng u se finyella . . . Ka nako ha moreri a ntse a bua ntho e 'ngoe le e 'ngoe e lokela ho khutsa ho mamela moreri. Hoba Lentsoe la Molimo ke leo le a tsoa, haeba a rera tlas'a tlolo. Ebe, moo moea o mong le o mong oa baporofeta o leng tlas'a moporofeta. Ha molisa a tloha a ea sefaleng, a phetla Bibebe eo, kereke e lokela ho khutsa, ho mamela ho . . . palong ea hae ea Lengolo, ho mamela seo a tla se bua. Haeba a bua ntho e hlabosang hantle ho uena, u ka re, "Amen, ho bokoe Morena!" kapa eng eo u e batlang. *Amen* e bolela "ho be joalo." Bibebe e boletse hore ho etsoe joalo.

¹¹⁶ Ebe, hoba molaetsa o fete... Joale haeba moreri a nehela sebaka moo batho bohole ba nyakallang, Moea har'a batho, mohlolomong A ka romela molaetsa o mong. Haeba A romela molaetsa, o tla fihlela motho e mong, e ntoo ba tlhaloso; e ke ke ea e-ba, ho qotsa feela Lengolo kapa ho etsa ho hong. Molimo ha o sebelise ho pheta-pheto ea lefeela. Empa e tla ba molaetsa o tobileng motho ho etsa ntho e *itseng* kapa ho hong ho tla ahisa Kereke. Ebe ha ba fumana khahiso eo ea Kereke, u re...

¹¹⁷ Ho tea mohlala tjena: E mong o a ema mona le ho bua ka lipuo; enoa o a toloka a re, "HO RIALO MOEA O HALALELANG: *Sekete-kete* a tlohe a behe motho enoa mona matsoho, hoba HO RIALO MOEA O HALALELANG, bosiung bona ke nako ea pholiso ea bona." Ke eng?

Ebe motho enoa o itse, "Ke ne ke lutse mono; pelo ea ka e ne e tukela lesea leo." Joale—joale ba ema ka kutlo ea Moea, ho ea beha lesea matsoho, 'me le folile. Haeba e sa etsa joalo, phoso e teng. Le a bona, le a bona? Ke molaetsa o tobileng.

¹¹⁸ Ebe moo mosalumele ea lutseng mono a reng, "Bea butle motsotsotso. Ho re, Molimo o na le batho bao!" Na le bona seo ke se bolelang?

¹¹⁹ Joale o tla re, kapa, "HO RIALO MOEA O HALALELANG: E mong le e mong ea ka lephakong le boroa ho toropo, ho qala lephakong lane la Spring Street ho ea pele, ba falle matsatsing a mabeli a tlang, hoba ho tla sekho holola se tla haola lephako leo lohole la motse." Ebe, ntho ea pele u a tseba, boo ke boporfeta ho kereke eohle.

¹²⁰ Ebe moo motho e mong, kahlolo ea moea, a emang 'me a re, "Na taba eo e ne e le ea Morena?" E mong le e mong. Haeba banna ba bararo ba lokileng ba ema 'me ba re, baahloli ba moea, ba re, "Taba eo e ne e le ea Morena," ebe moo kereke e amohelang; 'me motho e mong le e mong lephakong leo la motse o a falla, o tloha ho eona bakeng sa nako eo. Joale haeba e sa etsahale molemo ke ho khutla le ho hlahluba motho eo. Le a bona? Le na le moea u mong har'a lona. Empa ha e ka etsahala, joale bokang Molimo le ho leboha Molimo ka ho le lumella ho phonyoha bohale bo neng bo tla latela. Le a bona? Shebang lintho tseo. Eo ke Kereke e hlekehileng hantle.

¹²¹ Melaetsa e 'meli kapa e meraro, e sa feteng boraro, e tla tsoa ka lekhetlo le le leng ka mokhoa oo. Ntho efe e tsoileng, le a bona, e tlameha ho hlophisoa ka taolo. Tabeng ea pele... ebe, kereke e 'ngoe, ntho e 'ngoe ka taolo...

¹²² Ha ke tsebe. E ka ba mosali ea botsitseng sena. Ke feela... Ntho e 'ngoe e fihlela mohopolo oa ka, nka mpa ka e bua. Mosali, enereha ba kena ka kerekeng, e ne e le ho ea ka Testamente e Ncha, e ne e le ho kena le ho lula fatše ka sefahleho se khurumelitsoeng le tšobotsi e ponneng, le ho lula joalo tšebeletso

eohele. Hoo ke ho latela Lengolo. Joale. Empa ke hore nahana mosali . . . Ehlile. Joale, ha ke le nyatse lona basali. Le a bona?

¹²³ Mofumahatsana e mong o tlide ho 'na nakoana e fetileng. Che . . . Moena Junior o ne a le teng mohla mosali a tlang, a hlahetsoe ke bothata bo itseng. Baahelani ba mo tšesha, hoba a sa ka a kuta moriri oa hae mona nakong e fetileng. 'Me a tloha 'me a kuta moriri oa hae. 'Me eaba, mosali e mong ka holim'a noka o ne a mo ferekantse, 'me a 'molella hore o tla tšoara, ka mokhoa oa moea, a tlame maoto a hae ka letsoho la hae, kapa, moriri 'me a bipetsa mosali enoa ka sethokothetsi. Mosali a batla a lahleheloa ke kelello, bana ba babeli. O ne a sa tsebe seo a ka se etsang. O ne a lutse joalo feela.

¹²⁴ O ile a khanna a emisa ka pel'a ntlu ka letsatsi le leng. Moea o Halalelang oa theoha, 'me oa bua le eena, 'me oa 'molella hore o tla fola, ho re, "Me HO RIALO MOEA . . ." 'Me a—a lula joalo matsatsi a 'maloa, ebe o a . . . Ke ne ke ile maobane, ke il'o bona mosali le Moena Junior le Moena Funk. 'Me ke ne ke le ka hare ho halofo ea maele. O ne a eme, a ntse a kama moriri oa hae oo a neng a tla o tloheloa—ho o holisa joale, ho re, "Ere baahisani ba tšehe ba etse eng eo ba e batlang."

¹²⁵ 'Me hape, eaba Moea o Halalelang o nkhanela ho ea mono. 'Me Oa bua le eena 'oa 'molella hore ke ne ke le haufi le sebaka seo 'me ke batla ho tla. 'Me bosiusing ba maobane ponong, ka bona mosali a etla, 'me a bolela bothata ba hae; 'me a folisitsoe ka phaposing ea ka nakoana e fetileng. Le a bona? Na ho joalo, Moena Junior? Ke hantle. Nakoana e fetileng feela. Le a bona? Molimo ha oa ka oa ntumella ho ea mono hobane ntho eo e ne e so loke. Le a bona? A ntheolela hantle sebakeng le ho thasisetsa hona mono, ho bontša hore e ne e se motho, E ne e le Molimo. Le a bona?

Joale. A re, "Moena Branham, monna oa ka o mpatla ke le moriri o molelele."

¹²⁶ Ka re, "Molimo o batla hona hoo." Ke hantle, hobane basali ba lokela ho ba le moriri o molelele. Ke lesira la bona.

¹²⁷ Ke a tseba rona mafumahali kajeno, kapa lona mafumahali, ke rialo, le roala likatiba. U re ke lesira la hau. Hoo ho fosahetse. Bibele e boletse lesira la mosali e e moriri oa hae. 'Me ha a kuta moriri oa hae ke lihlong ha a rapela. Ho joalo? Leo ke Lengolo. Le a bona? Ka hona joale, basali ba loketse ho ho ba moriri o molelele, ho sa tsottelehe seo u batlang ho se nahana ka eona; ke seo e leng HORIALO MORENA. U ka mpontša sebaka sefe . . .

¹²⁸ U re, "Che, moriri oa ka o molelele. Le a bona, o fihla mahetleng a ka." Oo e ne e le moriri o mokhutšoane. "Kreste . . ." U itse, "Kreste o ne a le moriri o molelele." Che, ha A etsa joalo le ka mohla. Moriri oa Kreste o ne o le bolelele ba mahetla, ba rialo. Ba—ba mpa ba o hula tjena 'me ba o khaole, moriri o fihlang

mahetleng. Shebang lentsoe la Segerike holim'a seo ka mono, 'me u tla fumana.

¹²⁹ Moriri oa bosali... Monna ha a lokela ho ba moriri o molelele, hoba ke mokhoa oa botšeħali oo, ho lepella tjena. Empa O ile a o khaola feela mona mahetleng a Hae, moo ba ileng ba o khaola, ho potoloha hlooho ea Hae, ho o poma joalo feela. Oo e ne e le moriri o mokħutšoane.

¹³⁰ Kahoo, basali ba moriri o fihlang mahetleng a bona, e sa ntse e le moriri o mokħutšoane. Joale, ha ke re seo se ka u isa liheleng kapa ho u isa Leholimong. Seo ha se amane le eona ka letho. Empa taelo ea Kereke ke hore basali ba be moriri o molelele. Ke hantle; ke hantle. Le ho kena kerekeng... Le—le ho se etse nke kabelo ea letho litabeng, litaba tsa sechaba, kapa, e seng... Ke bolela litaba tse amanang le kereke. 'Me u lokela ho ba le kutlo, le hlompho, le joalo-joalo, hoba e ne e le eena, Bibebe e boletse, ea tlisitseng tlolo ea pele. 'Me ho lokile; ke hantle. Joale, hantle kapele. Ke t̥sepa ntho eo e sa utloisa bohloko.

19. Potso: Hobane'ng pono ea Molimo e ka hlaha ka pel'a ka ke le mothating oa ho ja Selallo kerekeng ea ka? Fetile. (Che, ke lebitso la mofumahali feela; e, ke lebitso la mofumahali,) **A... Hobane'ng pono ea Molimo e ka hlaha ka pel'a ka ke le mothating oa ho ja Selallo kerekeng ea ka?**

¹³¹ Be, nke ke ka tseba, khaitseli, ntle le haeba e ne e le sena: Haeba u bone Jesu Kreste a hlaha ponong kerekeng ea hau u ntse u ja Selallo, O ne a u tsebisa sena: hore u ne u Mo ja joaloka papiso. Selallo ke ho emela 'mele oa Jesu Kreste; 'me u ne u Mo kenya 'meleng oa hau e le papiso. Kahoo phela bohloeki, 'me u phele phetheho.

¹³² Mamela. Ha u ja Selallo (u tla utloa le baloa metsotsong e seng mekae) ha u sa lokela, u molato oa Mali le 'Mele oa Jesu Kreste. Motho ea jang sechaba seo a phele hantle pel'a Molimo, ea jang Selallo seo, ke rialo, a phele hantle pel'a Molimo. U se ke ua se ja ka mokhoa o sa t̥soaneleheng. Ho ke feela...

¹³³ Sheba. Bibebe e balile mehleng ea bofelo litafole tsohle tsa Molimo li tla tlala mahlatsa. 'Me ho se motho ea neng a ka—a ka utloisia. Na ho joalo? Shebang. Ha se khale mona ha ke kena tabernakeleng e kholo. Nke ke a bitsa lebitso leo; bohole lea e tseba. Na le tseba seo ba se jeleng e le selallo? Ba ja senkhoa sa bohobe, bohobe ba bophelo, bohobe bo bobebé, 'me ba bo seha. 'Me sehlopha sa batikone, athe moreri o boletse ba supileng ba bona e ne e le matahoa... Ke hantle. 'Me e mong le e mong oa bona, sehlopha soħle... U ne u ka ba bona ba feta ka mohahong ba ntse ba bua le batho. 'Me eitseha kereke e qhalana, qetellong, lipakeng tsa sekolo sa Sontaha le kereke, ea batla e le e mong le e mong, molisa le bohole, ba tsoa 'me ba tsuba lisakrete kantle, le ho khutlela ka hare 'me ba ja Selallo sa Morena. Molimo o boletse O

ke ke oa u nka u se molato oa seo. ““Me ba bangata har’ a lona ba kula ba fokola, ‘me ba bangata ba shoele.” Ke hantle.

¹³⁴ A re, “Litafole tsohle tsa Molimo li tletse mahlatsa, ‘me Ke tla ruta mang thuto.” A re, “Hobane e ka khona e be molao holim’ a molao, taelo holim’ a taelo, ‘me hanyenyane mona le hanyenyane mane. Le tiisetse tse molemo. Hobane ke ka melomo e kokotletsang le ka lipuo lisele Ke tleng ho bua le sechaba sena, ‘me ena ke phomolo eo Ke e boletseng e tla fihla mona, empa holim’ a tsena tsohle ba tsokolitse lihlooho tsa bona ‘me ba ikela ‘me ba re, ‘Re ke ke ra e utloa.’” Shebang moo re phelang teng, metsoalle. Oh, mohau! Tsohang!

¹³⁵ E, pono ea hau, Khaitseli... Haeba u le mosali ea lokileng, ea hloekileng, ea halalelang pel’ a Molimo, u ne ueme mono ‘me Jesu o ne a u tsebisa hore O ne a jesa Selallo, hore u ne u Mo nka mono e le papiso; ‘me haeba u se joalo, joaloka temoso ho uena ho lokisa litaba pel’ a Molimo pele u e etsa hape.

20. Ke lakatsa ho tseba hore na—hore se latelang ke’ng: Timothea oa Pele, oa 2... Timothea oa Bobeli khaolo ea 2 le temana ea 16.

¹³⁶ Bea butle hanyenyane. Timothea oa Bobeli... [Sekheo lebanteng—Mohl.] Rea kopana. Mohlomong u ke ke ua lumellana le seo ke se buileng. Ho u isa hae... Ebe, u tla ea hae ‘me o balisise haholo, ‘me hoo tla u thusa ho kena moeeng. Ho lokile, Timothea oa Bobeli 2 le 16 e baleha tjena:

*Empa u hane mesoaso ea lipolelo tsa lefeela: hobane
ba tsamaeang ka tsona ba tla nne ba fetele nyefolong.*

Ee. Ho lokile, u batla ho tseba hore na “lipuo tsa lefeela” ke’ng. “Lefeela... u sesefe lipuo tsa lefeela, hobane li tla ata.”

¹³⁷ Joale, ntho ea pele ke “mesoaso ea lefeela, hobane e tla fetela nyefolong.” Joale, ntho efe e leng ea khale feela... ho bua lefeela. Bibele e boletsse, Jesu o itse, “A ‘e’ ea lona e be ‘e’ le ‘che’ ea lona ebe ‘che, hoba ntho efe e fetang ena e tla fellka ka sebe.” Ha u a tšoanelo ho soasoa le ho metlae ho ba bang. Molimo o tla u jarisa boikarabelo ba lentsoe le leng le le leng la lefeela leo u le buang. Na le tseba seo? Bibele e boletsse u tla tlameha ho ikarabella polelo efe le efe ea lefeela. Joale re tšoanelo ho ba batho ba mofuta ofe? Batho ba mannete, ba lomahantseng meno, ba lerato, ba mosa, ho se khahla-khahla ea bosaoana, ho lula kamehla le ho ‘na u... .

¹³⁸ Shebang. U nka motho ea qalang kajeno... Ke e hlokometse ka ‘na, le kahobane e le semelo sa ka, mo-Irishi; kamehla ke likiloe ke moea o mongata, le hona, ho soasoa le ho itšoara ka-hore-le-hore. ‘Me khafetsa e kana—e kana esita le mohatsa ka ore, “Joale, Bill... !”

Ke re, "Ke hantle, Moratuo." O tla re, ke qholotsana le bana... Ke re... Ho soasoa le bona kapa ho hong, ho re, "Be joale, le a tseba, ho tsoile banna ba bararo ba baholo Kentucky."

"E ne e le mang?"

"Be, Abraham Lincoln."

"Yaa."

"Daniel Boone."

"Uh huh."

"Le ntat'a lona." Ntho e kang eo.

¹³⁹ 'Me o tla re, "Joale, Bill, ke uena eo hape." 'Me ke lokela ho kena sephiring kae-kae, 'me ke re, "Morena, ntšoarele, ke ne ke sa ikemisetsa ho e bua. Nketsetse ho hong; etsa hore ke khaotse ntho eo." Le a bona?

¹⁴⁰ 'Me letsatsi ka leng ke... ha nka etsa seo... Joale, re ne re bua ka lentsoe ho *khutlela morao* hoseng hona. Ha u etsa joalo u khutletse morao. E, monghali! U tlameha ho baka. Na ho joalo? Joale, ha ke bolele hore u tsoile u kene lefatšeng 'me u entse *sena le sane*, empa u entse ho hong. U tlameha ho baka le ho shoal letsatsi le letsatsi ho phela ka ho Jesu Kreste. Ka hona, letsatsi le leng le le leng, letsatsi ka leng, u tlameha ho shoal letsatsi ka leng ho phela ka ho Kreste Jesu.

¹⁴¹ Ha ke etsa ho hong... Hangata ke etsa lintho tse fosahetseng. E re ke sa tsoile, 'me motho a bua taba kapa se seng, nka etsa motlaenyana ka eona. Motho a re... E se taba e mpe; joale, ha ke lumele Bakreste ba pheta metlae e litšila. Che, monghali! Che, monghali! Ebile hase tšoanelo ho Bakreste, Bibele e boletse. E boletse re tlameha ho hanelia lintho tsa khale tsa lefeela joalo, le metlae, le mesoasso, le lintho tse joalo. Che, Bakreste ha ba phete lintho tseo; Bakreste ba mehopolo e hloekileng.

¹⁴² Empa haeba u sa hlokomele, hang ka nako u tla fumana motho... O tla pheta motlanyanae kajeno. 'Me be, a hopola a ne a lokile, 'me o tla e lesa e feta joalo, 'me a se hhole a nahana ka eona. Letsatsi le hlahlamang u etsa metlae e 'meli. Le a bona? 'Me ntho e latelang u a tseba, u etsa ntho e 'ngoe hape. 'Me ntho ea pele le a tseba, e lebisa hantle morao tsamaisong eona eo ea khale hape. Na ho joalo? Suthela hole le ntho eo. E qobe! 'Me u qobe mesoaso eo ea lefeela.

¹⁴³ U utloile motho a fihla... Ke tla le etsetsa mohlala u monyenyane feela. "Mof. Doe, u a tseba ke'ng? Ke bone monna oa hau. 'Me ke tla u bolella taba. 'Me ke molikone." Le a bona? 'Me...

Joale, ntho feela, e re, "Ha ke batle ho e utloa!" Ke hantle, le ho tsoela pele. Ha u e natse ka letho, 'me ba tla e khaotsa. Ke hantle.

¹⁴⁴ “Oh, u a tseba ke’ng, Khaitseli? Ke tla u bolella se etsahetseng ka Moena.” E seng khaitseli feela, empa moena le eena. Le a bona?

“Moena, ke tla u bolella se etsahetseng. Ua tseba ha re ka tlosa moreri enoa, ha re ka etsa *sena*, kapa ho tlosa molikone enoa, kapa ha re ka etsa *sena*.” Oh, khili! Feel—aqoba ntho eo feela.

¹⁴⁵ Ke hopola nthoana e lokileng eo le tlamehang ho e hloma tafoleng ea lona, ke nthoana eo ke e boneng tlase Florida nakoana e fetileng. E ne e le litšoenyane tse tharo; ‘me e ’ngoe e ikoetse mahlo ka matsoho, le ho re, “Se shebe bobe bofe”; ‘me e ’ngoe e sutetse menoana litsebeng tsa eona, ho re, “Se utloe bobe bofe”; ‘me e ’ngoe e koetse molomo oa eona ka letsoho, ea re, “Se bue bobe bofe.” Ke hopola e le ntho e ntle eo, ha ho joalo? E, monghali! Oh, khili! Ke ntho e ntle haholo eo.

¹⁴⁶ Baballa mohopolo oa hau o hloekile le holim’ a Kreste. U ke ke oa re feela, “Be, joale . . .” Joale le a bona, ha u sa shebe, u tla iphihlela koana sebakeng, ha u ka lula u nahana hoo . . . ‘Me u se nahane—‘me u se nahane hore u na le . . . U ke ke oa phela ka ho phethahala hoo u ke keng oa etsa phoso eo joale. Joale, u se ke oa nahana hore u tla fetoha u be joalo le ka mohla, hoba u ke ke. Che, monghali! Ha u ea se nang sebe, ‘me ruri u tla kheloha tseleng ea bona, ka lehlakoreng lena le ka lehlakoreng lane.

¹⁴⁷ Empa monna ea kileng a liheloa fatše, haeba e le lesole la sebele o tla tsoha hape. “Morena, e re ke tsohe ke leke hape.” Empa lekoala, hang feela ha le bona le etsa phoso ea lona ea pele, joaloka ha ke boletse hoseng hona: kokoanyana le seokho sa metsi li tla hahabela hape ka metsing. Le a bona? Ha e khone feela ho e mamella.

¹⁴⁸ Kahoo u hanele tsohle lintho tsa khale—ho soasoa hoo ha lefeela le ho etsa ka-hore-le-hore, ho bua. *Soasoa* e bolela “pherekano.” ‘Me Bibebe e boletse, “Lemohang bao ba bakang likhang har’ a lōna.”

¹⁴⁹ Haeba motho a re, “Uh huh! Uh huh,” joale feela—e re feela, “U phela joang? Ke thabela ho u bona hape. Kea leboha.” Le ho ‘na u tsoelapele feela. Ke eona ntho e khabane ka ho fetisisa. U se ke ua ba hanela, u mpe u ba tšoaee feela. U se ke oa e natsa ka letho, hobane u bona moo e lebisang teng.

21. Jesu o ne a le kae ho tloha ho ea Hae . . . Jesu o ne a le ho kae ho tloha kolobetsong ea Hae ho fihlela lilemong tse tharo tsa tšebeletso ea Hae?

¹⁵⁰ Ho lokile. Eitse hobane Jesu a kolobetsoe, a phakisa a tsoa metsing, ‘me Moea oa mo isa feelleng ka matsatsi a mashome a mane le masiu ho lekoa ke liabolosi. ‘Me O ile a lekoa ka matsatsi a mashome a mane le masiu a teng. ‘Me A itima lijo. A tsoa. Liabolosi o ile a Mo leka hoba A phethele ho itima lijo ha Hae. ‘Me O ile a hanela liabolosi ka Lentsoe la Molimo, ‘me a kena

tšebeletsong ea Hae, 'me a rera lilemo tse tharo le halofo, ho ea ka Mangolo.

¹⁵¹ Shebang. Morao koana ho Daniele Molimo O buile hore O ne a tla rera lilemo tse tharo le halofo 'me a khaoloe ho ba Sehlabelo nakong eo. Hantle feela. Motheo oa lefatše O ne a khethoe. Ke hantle.

¹⁵² Mattheu khaolo ea 4, le tla fumana seo. Haeba e sa tsamaisane hantle feela ho ea ka tumelo ea hau, ho lokile.

Joale, eo ha ke... A re boneng hore seo... Oh, e. "Ba kae..." Re fumane eo nakoana e fetileng. "Bafu ba hokae?"

22. **Ka mohla o mong—ka mohla o mong na bohole re ne re le basoeu kapa bammala? Ho ba babeli bao, thohako e behiloe holim'a ofe?**

¹⁵³ Joale, ho ea kamoo re tsebang, nke ke ka u bolella hore Adama le Eva ba ne ba—ba ne ba le basoeu, kapa bosootho, kapa bosehla, kapa botšo. Ha ke khone ho u bolella. Ha ho mang ea tsebang haese Molimo, kea khloa; O ne a le teng morao mono. Joale, ka har'a... Re tlide bohole re le puo e 'ngoe le sechaba se le seng ho fihlela tora ea Babele, pherekano. Eaba lipuo tsa bona lia fapania. 'Me ho ea kamoo re tsebang bohole re ne e le batho ba le bang ho fihlela nakong eo. 'Me ba qhalana 'me ba hasana likarolong tse fapaneng tsa lefatše.

¹⁵⁴ 'Me ba bang... Ha u nka phoofolo; u nka bophelo bofe bo jang mobung o itseng, bo tla fetoha 'mala oo. Ha setsomi se le teng mona, u ka ntatela metsotsi e 'maloa feela. Theohela tlase Meksiko, 'me u nke phokojo; nka holimo mona Arizona 'me u fumane phokojo; ha u nyolohela Leboea 'me u nka eona phokojo eo, 'me u shebe mebala e meraro. Fumana phoofolo ea tonanahali ea Gila e holisitsoeng Texas, 'me u fumane e holisitsoeng Arizona, 'me u shebe phapang ea tsona (lea bona?), hobane ke mobu oo li phelang ka ona. Lea bona?

¹⁵⁵ 'Me joale, Machaena, Lechaena ke e—motho e mosehla, Lejapanane, joalo-joalo, le Lechaena. Moethiopia ke e—ke motho oa 'mala, kapa Monekro eo re mo fumanang joale. 'Me o ile a theohela linaheng tseo tse lefifi tlase mono.

¹⁵⁶ 'Me bona—'me—'me ba ne ba... 'Me hape motho e mosoeu e ne e le batho ba Anglo-Saxon bao re leng bona. 'Me, har'a e—har'a batho ba mona, bao re ba bitsang batho ba basoeu, ba tsoa Engelane athe pele e ne e bitsoa "Naha ea lengeloi." 'Me hobane ba ne ba le basoeu, le bosehla, joalo-joalo... 'Me ba hasana holimo Ireland, le Norway, le joalo-joalo, holimo ka mono. 'Me bohole ba tsoile bathong ba Anglo-Saxon.

¹⁵⁷ Joale, oa pele e ne e le ofe 'me ho rahakiloe ofe? Ha ho a ba le a mong oa bona. Ke tseba moo u lekang ho ea teng. U leka ho ea ho Kama. Ke tseba moo u eang teng, ho batho ba Kama.

¹⁵⁸ Joale, ho ne ho le Kama, Sema, le Jafeta. Joale Kama, ha a—a leka ho pata bofeela ba ntat'ae, empa a tšeha a mo soma. 'Me Molimo oa rohaka Kama ka baka la ho shalima bofeela ba ntata'e le ho se leke ho pata lihlong tsa hae. 'Me Sema le Jafeta ba ema 'me ba akhela liaparo tsa bona holim'a ntata bona a sa robetse a hlobotse. 'Me joale, Molimo oa bolella Kama hore moloko oa hae o tla sebeletsa e meng.

¹⁵⁹ Joale, haeba u ne u e hopotse e le thohako, ho fifala, be, Mojuda le eena o fifetse. Haeba u nahana hore e ne e tla ba e—e, seo re se bitsang motho oa 'mala, kapa, Monekro oa naha ena ea leng mona joale, u loketse ho ea koana India. Maindia a fifetse ho feta Manekro. Ke etetse linaha tsa bona bobeli. Mona e—e Moethiopia ke enoa tlase mono ea tsoang Ethiopia, le Moafrika, monna oa bammala eo re mo tsebang kajeno. Ba tlase mono, bongata ba bona e sa le batala, merabeng ea bona. Re batla re ne re le joalo feela mohla Jesu a neng a fihla.

¹⁶⁰ Batho ba basoeu ba ne ba le sekhaleng joaloka e—e motala oa Afrika hona joale, le ho feta mohlomong. Hopolang, lilemong tse likete tse peli tse fetileng re ne re le morabe o hlobotseng kantle mono ka e—ka seqha le motsu le selepe sa lejoe, ho tsoma (ho joalo hantle), rona batho ba Anglo-Saxon. Ke hantle feela. Ka hona ofe e ne e le ofe?

¹⁶¹ Ke tla u bolella ea rohakiloeng kajeno ke ea hanang Jesu Kreste. Ke phetho. Ea amohelang Jesu Kreste o lehlohonolo.

¹⁶² Joale, u ka se re . . . Ke tla nyoloha, ke nke mo-Eskimo, ho tsoa naheng eo holimo koana. 'Me ke eo holimo mono; 'me monna eo o fifetse ho feta batho ba bammala bao re ba fumanang mona. Ke tla ea India 'me ke nke Maindia; 'me ha—ha se motho oa 'mala, o hlile o motšo. O motšo ho feta . . . 'mala o motšo kannete feela. 'Me ke eena ea bitsoang . . . 'Me ke Moindia. Joale, Afrika re fumana batho ba bang ba Maafrika ba leng . . . Ba bang ba 'mala o hlakileng; ba bang batla ba le basoeu; 'me ba bang ba bona ba—ba ka mekhao e fapaneng.

¹⁶³ U ea ho Bajuda; 'me u re Bajuda bohole—ba fifetse ka lebala. Mojuda ke motho e mosootho, empa ke bone ba bangata ba lihlooho tse khubelu ba mahlo a maputsoa, letlalo le hlakileng. Lea bona?

¹⁶⁴ Kahoo taba eohle ke ena: bohole re tsoa sefateng se le seng. Ke hantle. 'Me bohole re rohakiloe ka tlolo ea Edene. 'Me bohole re bolokehile ka tsoho ea Jesu Kreste. Ke eo moo. Kahoo ha ho thohako ea letho. Ho rohakiloe ea sa lumeleng, empa ho lehlohonolo ba lumelang. Ka hona ha ho e mong, motsoalle, motho e motšo kapa oa 'mala, kapa motho e mosootho kapa motho e mosehla. Joale, haeba motho e motšo a ne a rohakiloe ka ho ba motšo, joale motho e mosehla o rohakiloe ka halofo feela. 'Me le e—le hape monna e mosehla, 'me le monna e mosootho, o rohakiloe peli-tharong feela. Le a bona? 'Me hape, Maafrika

ka thohako e etsang 'ne-hlanong. 'Me ke kholoa Moindia a hlile a rohakiloe ke hona. Oh, khili! Ha se le bosaoana! Che! Ke tlelaemete e fapaneng le lintho tseo batho ba phetseng ho tsona. Ba ile ba fetoha, ho fetola merabe le joalo-joalo, ba ne ba fapane.

¹⁶⁵ Shebang Leindia la Amerika. Bongata ba bao... MaNavajo kantle mono ke morabe o lefifi oa batho ho feta batho ba rona ba 'mala ba ma-Ethiopia naheng ena, Navajo. Ma-Apache a... Ba batla ba le e-e 'mala oa koporo. Le merabe e fapaneng... Le a bona? Ka hona hantle mono har'a ma-India, hantle mona, u fumana a matšo, 'me e batla e le... 'Me le-Cherokee le batla le le bothokoa ba rona, le-Cherokee. 'Me hona mona sechabeng sena, ho fumanoa merabe e fapaneng. Ka hona, u a bona, u ke ke ua re ba rohakiloe ka halofo le ho rohakoa ka botlalo. Ha ba a rohakoa hobane ba le batšo. Ha ba rohakoa hobane ba ne ba le basehla kapa hobane ba ne ba le basoew. Thohako e 'ngoe feela eo ke e tsebang, 'me ke ho se lumele ho Jesu Kreste. (Kea tseba, Donny, ke nako ea ka ho koala, empa ke sa na le lipotso tse ling tse peli.)

23. Ho lokile joale. **Meloko e leshome e lahlehileng ea Iseraele e hokae (Genese 44:49), leloko la Josefa ho lichaba tse ngata? Simeone, Levi, ba neng ba se na lehae la bona, empa ba qhalakane har'a meloko e meng e leshome... Meloko e leshome e hokae? Na re ka e supa?**

¹⁶⁶ E, monghali! E ka fumaneha. Ho ea ka thutafats'e e ka fumanoa ka Bibeleng. 'Me Molimo o re bolella moo ba tla ba teng matsatsing a qetelo le hore bofelo ba bona e tla ba bofe. 'Me hona joale, ke sa tsoa bala buka, hore tlase Iseraele moo bao ba neng ba le teng, moo a boletseng e mong a ne a inne maoto a hae ka oling le tsohle. Molimo o ba behile bohle, ho ba lulisa libakeng tse fapaneng. 'Me Bajuda bohle ba khutlela Palestina, moo Molimo o tšepisitseng matsatsing a qetelo ba tla lula mono.

24. Potso e 'ngoe hape: **Na...Ha ke lumele Molimo o romela lintoa e le kahlolo. Ha ke lumele Molimo o romela lintoa e le kahlolo.** (Mamelang nakoana feela.) **Ha ke lumele, joaloka ba bang, hore Molimo o ile a beha sabole matsohong a bafenethi bana ho qala Babilona ea boholo-holo ho isa ho Hitler, ho bolaea basali le bana ba se nang molato har'a... hammoho le ba molato, ho phethisa kahlolo ea Molimo. A Molimo... Molimo oa ka o lerato o ne o ke ke oa etsa... Molimo oa ka o lerato (Tšoarello!), etsa sena. Lintoa ke mesebetsi ea Satane. Ka kopo netefatsa pherekano ena.**

¹⁶⁷ Joale, nakoana feela. Ke balile sena nakoaneng e fetileng, lebaka leo ke behileng ena katlase. Joale, ke batla hore le khutse motsotsa feela. Joale, ha re—ha re otlolleng taba ena hantle, hobane ena ehlile ke potso e ntle. 'Me e tlameha ho atamela ka tlhompho. Hang ka mor'a moo, holane le ka re mamella nakoana e teletsana...

¹⁶⁸ Kea tseba nako e petahane, empa ke... Hopolang, ho ka thoe'ng ka eona? Joale, le ne le tantša bosiu bohle le sa nahane letho ka eona (lea bona?), le inehetse lintho tsa lefatše, empa ha ho tloua Lentsoeng la Molimo metsotso e mashome a mabeli, moena, re lokela ho fumana moreri e mocha. Le a bona? Ke lihlong. Pauluse o rerile bosiu bohle. Nkile ka rera mona hantle lilemong tse fetileng ka hora ea bobeli le ea boraro hoseng. 'Me batho ba ntse ba nyoloha ba theoha sebakeng sena mona ba rorisa Molimo ka hora ea bobeli kapa ea boraro hoseng. U ne u bona tosene e amohela Moea o Halalelang ka hora ea bobeli le ea boraro mesong. Molimo o be le mohau. Ekare nka boela ka e bona hape. Empa ha re khone; letsatsi le phirimile. Letsatsi le phirimile joale; shoalane e ts'oere joale. Bosiu bo a atamela 'me batho ba... "Be, ha re sa tsotella ka letho, ka hona... Khele, ekare ba ka khaotsa, re tle re itokisetse ho kena." 'Me hoo feela—hantle feela kamoo e tsamaeang kateng.

¹⁶⁹ Emang, ke batla ho le botsa taba joale. Joale, ke tlil'o hanana le uena, moena kapa khaitseli, ha ke tsebe. E behiloe mona hoseng hona. Ke ne ke e tsoere ka Bibeleng ea ka 'me ke e shebile nakoana e fetileng. Hona joale, ka mokhoa oa botsoalle... 'Me joale, ha ke batle ha—ha—ha u ka phasoloha khahlano le 'na. Ke batla hore u mamelise.

¹⁷⁰ Mme rona... Hopolang, le 'na ke rata ho lumellana le uena hakaalo tabeng ena—ka qeto ea hau tabeng ena joaloka ha ke entse ho mosali eo, mosali oa batho nakoana e fetileng. Ho itsoe... Eena le monna oa hae, ba balehile feela 'me ba chata; 'me e ne e le eona. Empa o entse kano ea hae; o tlameha ho e tiisetsa. Le a bona? 'Me joale, ke tlameha ho tiisetsa Lentsoe la Molimo.

Empa joale, ha ke lumele... Empa pele, ha ke lumele Molimo o ka romela lintoa e le kahlolo.

¹⁷¹ Joale, motsoalle, phoso e 'ngoe feela ka tumelo ea hau, 'me ke hore, ha e lumellane le Mangolo. Molimo o hlile o romela ntoa e le kahlolo. Ke hantle. Ke—Ke tlil'o u nea Lengolo; nke ke ka e bala mona feela ebe kea u bolella.

Sheba. **Ha ke lumele joaloka ha ba bang ba lumela hore Molimo o behile sabole matsohong a bafenethi bana ho tloha Babilona ea boholo-holo ho ea ho Hitler, ho bolaea basali le bana ba se nang molato.**

¹⁷² Haeba nka u bolella ka Lebitso la Jesu Kreste hore O hlile o e entse, 'me nka e kholisa ka Bibe, na u ka e lumela ke hona (u a bona?), hore O hlile o e entse? Ho lokile. 'Me O tla e etsa hape. Ho lokile. 'Me mamela sena.

¹⁷³ Ha ke tsebe. Enoa e ka be e le motsoalle oa ka oa hlooho ea khomo ea lutseng mona har'a lintho tsohle; hoba Molimo O leng Lehelimong o a tseba ha ke tsebe le mongolo oo. Ke ne ke sa khone ho u bolella. Empa ke batla hore u mamele sena. "Molimo

oa ka ke Molimo oa lerato, Molimo oa ka o lerato 'me oa ke ke oa etsa sena. Lintoa ke tsa Satane." Ke tla lumellana le uena hore lintoa ke tsa Satane. Ke hantle feela. Ke khosana ea lefatše lena. 'Muso o mong le o mong le sechaba se seng le se seng lefatšeng lena ke oa Satane. Molimo o e boletse joalo Lentsoeng la Oona. Satane o itse, "Ke ea ka." Jesu o lumetse hore e ne e le ea hae. Empa E tla ba mojalefa oa eona eohle ka mor'a nako, Jesu o tla etsa joalo. Ha re sa tla hlola re e-ba le lintoa mehleng eo. Empa Molimo o lumella Satane ho etsa sena e le khalemelo le kahlolo.

¹⁷⁴ Joale, ke batla ho u botsa taba feela pele re qala. Ke batla hore u nkarabe sena le ho fumana. Haeba u sa lumele hore Molimo ke e . . . (U itsalo) . . . o ke keng oa etsa lintho tsena. Feel a ho e qala hantle ho tloha qalong . . . Joale, mpheng maikutlo a lona a sa arohanang haeba le khona. Mamelang. Hobane'ng Molimo ka Seqo o laile Mora oa Oona ka Seqo 'me oa Mo bolaela sefapanong? Molimo o bolaile Mora oa Hae ka Seqo sefapanong. "Koana ho khahlile Molimo," Lengolo le boletse, "ho Mo otla, le ho Mo laea, le ho Mo hlokofatsa." Molimo o entse Mora oa Oona ka Seqo joalo ho u pholosa.

¹⁷⁵ Ke batla ho botsa ka Saule, khosi e kholo ea Israele. Molimo oa mo laela ho theoha le ho hapa Khosi ea Oge le ling tsohle tsa hae, le ho falatsa sohle tlase mono, banna, basali, bana, le tsohle . . . 'Me Saule . . . esita le ho bolaea makhomo, ho se lese letho la phela. Saule a theohela teng a genehela makhomo a mang. 'Me Molimo oa tlosa Moea ho eena 'me oa mo arohanya le Oona; o ne a ipehile sera sa Molimo.

¹⁷⁶ Hobane'ng ha Elia a ile a ema mono athe Molimo o ne o nehetse Khosi Oge oa khale matsohong a Akabe? 'Me a bolella Akabe ho bolaea khosi eo. 'Me Akabe a hana ho e etsa. 'Me moporofeta Elia a e-na le mohlabani ho eena . . . Ho re, "Nkotle ka sabole ea hau." A eleletsoe hore e ne e le moporofeta.

A re, "Nke ke ka etsa joalo." 'Me a lahleheloa ke bophelo ba hae. Eaba o bolella e mong, a re, "Nkotle." 'Me monna eo a mo otla ka sabole 'me a mo seha. 'Me a ikoahela a ikhakanya 'me a ema mono. 'Me Akabe ke enoa a etla a kaletse koloi ea hae.

A re, "Ebe—ebe u eme mona ka lebaka la'ng?"

A re, "Be, ke ne ke le molebeli; ka laeloa ho lebela monna. 'Me o nkotlike a baleha," A re, "'me ka mo lesa ho ikela. 'Me ba mpoleletse haeba ke entse joalo, ke tlameha ho lefa ka bophelo ba ka."

A re, "Be, u tla tlameha ho lefa ka bophelo ba hau."

A ikhurumolla a re, "HO RIALO MORENA, kahobane u sa ka oa bolaea khosi eo tlase mono, u tla lefa ka bo-uena." Ho joalo? Ke hantle feela.

¹⁷⁷ Ere ke u balle taba e itseng mona. Ho ka thoe'ng ka Babilona, mohla Joshua . . . mohla Molimo o rometseng Joshua mose mono,

'me a timeletsa maseanyana ka botlalo, bana, le ntho e 'ngoe le e 'ngoe. 'Me haeba a lesa ntho efe ho phela . . . O ile a falatsa tsohle. Maseanyana a Bafilista, a fenetha feela. Molimo o no o mo laetse hona. 'Me haeba a sa e etse, e ne e qosa bophelo ba hae.

¹⁷⁸ Ke tla e lokisa ka mor'a metsotso e seng mekae. Molimo ke lerato, lerato le phethahetseng; empa ha u tsebe seo lerato le leng sona. Lebaka leo batho kajeno ba sa tsebeng seo tumelo e leng sona. Molimo ke lerato. O lokela ho lula leratong; O ikemetse Lentsoeng la Oona. 'Me O lokela ho boloka Lentsoe la Oona. O tlameha ho u rata. 'Me haeba A u rata, O loketse ho u sireletsa.

¹⁷⁹ Mamela mona. U bua ka ho tlola ha bana. Motsotso feela, e re ke u bontše lethoana mona Mangolong, seo—seo Bibele e se buang ka lintho tsena mona. Ha re phetleng mona 'me re mamele feela sena motsotso feela 'me re bone seo Molimo o se buileng. Joale, ke bala ho Ezekiele khaolo ea 9, ha le batla ho e ngola fatše. Mamelang ka hloko:

Le . . . A hoeletska ka lentsoe le phahameng litsebeng tsa me, le ho re, Etsang hore ba okametseng motse ba atamele, . . . e mong le e mong a tšoere libetsa tsa bona tse senyang letsohong la hae. (Joale, enoa ke Molimo ea buang.)

'Me, bonang, ha tla banna ba tšeletseng ba etsoa ka tsela ea khoro e ka holimo, e ka nqa leboea, e mong le e mong a e-na le sebetsa sa ho hlaba letsohong la hae; ho ne ho e-na le monna e mong har'a bona ea apereng line e tšoeu, le lenaka la enke la mongoli lehlakoreng la hae: ba kena, ba ema pel'a . . . pel'a aletare ea koporo.

Khanya ea Molimo oa Iseraele ea tloha likerubimeng, eo e neng e le holim'a eona, ea ea monyako oa ntlu. 'Me a mpitsa ho 'na . . . ho monna ea apereng line e tšoeu, ka e . . . a e-na le . . . lenaka la enke letsohong la hae—kapa lehlakore;

'Me eaba . . . 'Me MORENA . . . (Hlaku e kholo M-O-R-E-N-A, e leng Molimo). . . MORENA a re ho eena, Haola har'a motse, har'a Jerusalema, . . . beha letšoao phatleng ea monna ba feheloa le . . . llela . . . manyala . . . a etsoang har'a 'ona.

Le ho ba bang a . . . (Eena MORENA) . . . a re litsebeng tsa me, Le mo sale morao le har'a motse, 'me le otle: 'me mahlo a lona a se ke a genehela, 'me le se ke la hauhela: (Shebang, temana ea 6.)

Ka ho feletseng—Bolaea ka ho feletseng . . . mocha . . . makhabunyane, . . . bana ba banyenyane, . . . basali: . . . (Molimo o itsalo. Molimo o itsalo!) . . . empa le se ke la atamela ho mang kapa mang ea nang le letšoao; 'me a qala ka tsa khale . . . sehalalelong—'me le qale ho monna oa khale . . . ba neng ba le ka pele ho ntlu.

¹⁸⁰ Ka mantsoe a mang, Molimo oa bolella batho bana, “Joale, emang; Ke tla tšoaea batho pele, bao ba inehetseng ho Molimo kannete . . .” ’Me A ba bea letšoao. A re, “Joale,” ho banna bana ba tšoereng lihlomo tsa ho hlaba, “u haole ’me u se qenehele basali, bana, kapa letho, u mpe u bolaee tshole ka botlalo.”

¹⁸¹ Lefatšeng la pele ho moroallo timeletsong, mohla lefatšeng ho neng ho le limillione atisa ka limilione le libilione tsa batho, ’me Molimo oa romela moreri oa khale oa khalalelo, ea bitsoang Nohe, ’me a rera lilemo tse lekholo le mashome a mabeli, ’me a ba bolella ho kena arekeng, ’me bohole ba sa kang ba kena ka arekeng eo ba ne ba tla timetsoa . . . Mme Molimo o Matlaohle, o neng o laola maholimo, oa nesa lipula tse timelitseng limilione tsa maqheku, bacha, tsa maseanyana, a qoelisoa a timela metsing.

¹⁸² Molimo o Matlaohle, ’me ruri ke Molimo oa lerato. ’Me hoo ke ’nete. O tlamehile joalo. O rata ba Hae ka Sebele. O lokela ho ikemela Lentsoeng la Hae. Kahoo ha se ho . . . bakeng sa khang, empa ho se lumellane le lona. Molimo oa hau oa lerato . . .

¹⁸³ Ha se khale mona ha ke qoqa . . . Mohlomong ke Paki ea Jehova. Monna a nyoloha a re, “Moena Branham, na u batla ho mpolella hore u lumela lihele tse tukang?”

Ka re, “Ha se seo ke se buang, ke seo Bibele e se bolelang.”

A re, “Na u batla ho mpolella hore Ntate ea Maholimong ea lerato a ka chesa bana ba Hae? Khele,” ho re, “u ke ke ua chesa ngoana oa hau.”

Ka re, “Che, monghali!”

“Be uena ka hona, haeba uena joalo ka motho u e-na le lerato le lekaalo (lea bona, kamoo batho ba ka sothang ntho eo?), efela ha uena motho u e-na le lerato le kaalo, na u hopola Ntate ea lerato oa Leholimo a ka timetsa bana ba Hae?”

¹⁸⁴ Ka re, “Lekhale!” Ha O timetse bana ba Oona, empa uena u ngoana oa mang? Molimo ha o timetse bana ba Oona. O leka ka hohle ho ba kenya ka hare. Empa ke liabolosi ea lokolotsoeng ea tla timetsa bana ba hae. Kahoo Molimo o mpa o lumella Satane feela.

¹⁸⁵ Shebang. Ke mang ea lumelletseng bobo ho theoha le Satane ho tsoa le ho timetsa mohlanka ea phethahetseng ka ho fetisisa oa Molimo ho fihlela Jesu Kreste, bana ba hae le sohle seo a neng a ena le sona, Jobo? ’Me Molimo oa romela moorea o khopo mono ’me oa timetsa bana bohole ba Jobo le tshole ho hlahloba mohlanka oa Oona feela. Na ho joalo? Ehlide.

¹⁸⁶ Oh, nka ema mona hora feela ’me ka le bontša tsona, Moena oa ka, Khaitseli. Ho lokile, leha u ka ba mang. U se ke oa ferekanya Moea ona oa Molimo. Lintoa ke likahlolo tsa Molimo holim’ a lichaba. Litšenyo li rometsoe ke Molimo. Bibele e itsalo. ’Me Molimo ke Molimo oa lerato, empa Molimo ke Molimo oa

khalefo hape. 'Me u ke ke ua ema ka pel'a moratuoa . . . Ntho eo e utloisitse kereke bohloko kajeno.

¹⁸⁷ "Ntate e mong ea lerato, ehlide A ke ke a ntsotella ha ke etsa sena." Haeba u batla ho e etsa, u ka hla 'na oa tsoelapele le ho e etsa, hoba lerato la Molimo ha le a haha ho uena le ho qaleng.

¹⁸⁸ Re itokisetsa ho ja Selallo nakoaneng feela, 'me ke batla taba ena e thophothele ho lona. Taba ke hore, se ka pelong ea hau se tla beha, se bope bophelo ba hau. Mofuta oa peo eo u e sunyang mobung e tla hlahaha ka mufuta oa eona. U ka nka joang e—e semela sa seqhome sa poone le ho melisa e—e lehola la jimson ho tsoa ho eona? U ne u ke ke oa khona joalokaha u ka nka thollo ea poone 'me oa melisa hlabahlabane. U ke ke oa li khona, hoba ke limelo tse peli tse fapaneng, maphele a mabeli a fapaneng ka botlalo. Eona . . . U—u ka nka peo ea jimsonweed le peo ea eie, 'me li batla li ts'oana ka ho phethahetseng ho fihlela motho ea khabane a sa khone ho li khetholla. Ke hantle. U loketse ho etsa ntho e le 'ngoe feela ke ho li lema. Ka tlhaho tse peli li shebahala li ts'oana, empa ak'o li leme. Ka bobeli li tla beha; 'me e 'ngoe e tla ba jimsonweed 'me e 'ngoe e be eiye. Ke hantle feela.

¹⁸⁹ Ho re, "Hobaneng, ho etsang peo *ena*, e ts'oanang le *ena* hantle feela, ho hlahaha bophelo ba mofuta o fapaneng ke'ng?" Ke hobane bophelo ba mofuta oo bo ahile ho eona.

¹⁹⁰ 'Me monna kapa mosali ea ipolelang Mokreste 'me a sa phele bophelo ba mofuta oo, ka mohau oa Molimo, ke jimsonweed. Le tla ba tseba ka litholoana tsa bona. Haeba ntho eo e le ka pelong ea hau, e paka seo u leng sona sebakeng se seng. Haeba e le bobe, e paka ka hore u joalo tlase mona. Ha u e-shoa, u tla tlameha ho ea moo u seng u ntse u le teng.

Haeba u lokile 'me u—u lokile hobane Molimo o u entse ea lokileng, 'me u tsoetsoe labobeli, u tlamehile ho leba nqa eo, hobane Bophelo boo bo tla lokela ho pakelana le sebaka sena. Haeba bo pakelana le mona, ke hona moo u eang teng. Haeba bo paka holimo mono, ke hona moo u eang teng. Le a bona?

¹⁹¹ Seo u leng sona mona . . . Kenya sena kelellong ea hau joale. Ke tla koala. Empa seo u leng sona mona ke sesupo sa hore u ntho e 'ngoe kae-kae. Haesale le batla ho kena phethethong, lona Bakreste. Ho na le phethetho, 'me phethetho eo ha e fumanoe bophelong bona. Empa monna le mosali e mong le e mong mona eo e leng Mokreste, motho e mong le e mong eo e leng Mokreste mona joale o se a tlotsitsioe ka pela Sefahleho sa Jesu Kreste. 'Me u na le 'mele o mong. Ha u na ho ba le ona nakong e 'ngoe, u na le ona hona joale. Hona joale ho na le 'mele o mong o u emetseng haeba ona o ka timela. Na u ka nahana ka seo. Ithute seo motsotsos feela.

¹⁹² Na ua tseba e mong le e mong oa rona a ka ba bosafeleng le pele letsatsi le chaba hosane hoseng? Joale, haeba u se Mokreste, motsoalle oa ka, u saletsoe ke ntho e le 'ngoe feela. U tlameha ho

ea nqa eo. Haeba u le tseleng eo, u tlameha ho tsamaea ka tsela eo. Haeba u le thollo ea poone, u tla hlahisa poone. Haeba u le hlabahlabane, u hlahisa bophelo ba hlabahlabane. Joale, haeba esale u le setho sa kereke kae-kae se sa tsebeng se sa ruteng, 'me e u lumella ho tla kerekeng feela le ho ba setho sa kereke... U re, "Joale, Moena Branham, kereke ea ka e ruta hore re lokela ho amohela Jesu Kreste joalo ka Mopholosi oa rona. Haeba re lumela ho Morena Jesu Kreste re pholositsoe." Haeba bophelo ba hau bo sa bape le seo, ha u e-so fihle le joale.

¹⁹³ Na ua tseba hore liabolose o lumela hore Jesu Kreste ke Mora oa Molimo? Na u tseba hore Jesu phatlalatsa, kapa, na ua tseba hore liabolose u ile a bolela phatlalatsa hore Jesu ke Mora oa Molimo? 'Me o ne a sa pholosoa. 'Me o ne a ke ke a bolokeha; ke liabolosi. Kahoo ho bolela hore Jesu ke Mora oa Molimo...

¹⁹⁴ Na le tseba Bafarisi bao bohole le Basadusi, e mong le e mong e ne e le batho ba bolumeli le borapeli; kamoo ba neng ba rata Molimo ka lipelo tsa bona, ba nahana joalo; 'me ba hloleha ho bona Ea se nang molato eo, Mora Molimo, ho Mo elelloa e le Mora oa Molimo. 'Me leha ho le joalo, ba ne ba tletse bolumeli haholo (na ho joalo?), balumeli haholo, ba rutehileng haholo, ba tsebile Bibebe ho feta barutehi ba rona kajeno. Ba ne ba etse letho haese ho lula mono melokong ea bona le ho sebeletsa Morena.

¹⁹⁵ Joale, shebang seo Lengolo le se bolelang: "Matsatsing a ho qetela..." Ho lona, metsoalle ea ka ea Bakreste, le ka lerato la bomolimo, Bibebe e boletse, "Matsatsing a ho qetela banna... ho ne ho tla fihla mohla batho ba tla ba hlooho-thata, baikhohomosi, ba ratang menate ho feta ho rata Molimo." Joale, na hoo ha se 'nete?

¹⁹⁶ Motho ea itseng ka mohahong ona o ne a etetse moketjana oa Selemo se Secha bosiusung bo bong, 'me mokatong o ka tlase ba ne ba e-noa lino-mapholi le boithapollo le ho tsoela pele, lisphoro tsa ice cream, joalo-joalo. Likereke li bile li hlrophisa metjeko. Hantle feela seo Molimo a ba boleletseng hore ba se ke ba se etsa, ba se etsa ka Lebitso la Kreste. 'Me ke sena seo Jesu a se boleletseng Kereke ho se etsa, 'me ba se latola. Jesu, mantsoe a Hae a ho qetela ke ana, thato ea Hae le testamente ho Kereke: "Eang ka lefatše lohle; ho bolela Evangelii ho sebopuoa se seng le se seng. Ea lumelang, 'me a kolobetsoa, o tla bolokeha; ea sa lumeleng o tla ahloloa. (Mohlomong moruti oa lona o balile hakaalo. Empa se setseng ke sena.) Mehlolo e tla tsamaea le ba lumelang ke eona ena; ka Lebitso la Ka ba tla leleka matemona; ba tla bua ka maleme a macha; ha ba tšoara linoha kapa ba enoa lintho tse bolaeang, li ke ke tsa ba lematsa; 'me haeba ba Bea matsoho a bona holima ba kulang, ba tla fola."

¹⁹⁷ Joale, ke seo Jesu a ba boleletseng ho se etsa ka Lebitso la Hae. Ba latola hore seo se teng, empa ba tloha ho ea etsa hantle feela khahlano le seo A se boletseng, ho ruta hore e fetile, ha ho

letho ho eona, le ho ruta thuto ea bolumeli sebakeng sa hoo. Oh, ha ho makatse ha re le maemong ao re leng ho ona.

¹⁹⁸ Sheba mona, e re ke u bolelle, moena ka. Ha Kereke e fihla sebakeng moo e leng, moo setho ka seng ka mono se futhang Moea o Halalelang le matla hakana, ho fihlela lipontšo tseo li tla latela.

¹⁹⁹ Ke hopola Santa Pauluse kantle mono sehlekehlekeng kamora ho robeha ha sekepe. Molimo o ne a mo hlahiselitse pono. Mohla matsatsi le masiu a leshome le metso e mene... Tšepo eohle ea ho pholoha e nyametse. Seketsoana, sa khale se tsokotseha *joalo*, 'me bohole ba ne ba lla, le matsatsi a leshome le metso e mene le masiu. Pauluse o ne a le tlase mono, a fumana pono. A tsoa; 'me a re, "Khothalang, hobane Lengeloi la Molimo, leo ke leng mohlanka oa lona, le ne le eme pela ka, la re, 'Se tšabe, hobane e ka khona u hlahisoe pel'a Sesare. 'Me bona, Molimo o nehelane ka bohole ba tsamaeang le uena ka sekepe."

²⁰⁰ Eitse ha sekepe se soahlamana se nyolohela lebōpong la leoatile, ba fihlela batala mono, eare Pauluse a ntse a roalla lithupa, a tloha 'me a li sunya mollong. 'Me teng ha hlaha noha e kholo, ea itšoarella letsohong la hae. Joale, noha eo ea kenya chefo e ka beng e mmolaile ka nako le motsotso letsohong la hae. Baahi ba moo ba re, "Shebellang thaka leo ha le eshoa, hoba u tla shoa motsotsong feela."

²⁰¹ O littlamong ka ho bolela Evangel. Batho ba balumeli ba mo tlamile littlamong. Likereke tse khabane ka ho fetisia tsatsing leo ke tsona tse ileng tsa mo kenya littlamong. Hola feela e ne e se Molaatheo oa United States, ba ne ba tla etsa ntho e tšoanang le kajeno. Ke hantle! Ema feela ho fihlela a fela—ho fihlela se robehile hanynyane.

²⁰² 'Me noha ea khomarela letsoho la hae. Joale hlokomela. Pauluse ha aa ka a tšoha. A re, "Jesu Kreste o itse, 'Haeba ba tšoara linoha, li ke ke tsa ba ntša kotsi.'" Ka hona o tsamaela mona, o e hloholorela mollong; ho retoloha ho ea nka lithupa le ho li sunya mollong; ho furalla a ikomosa mokokotlo, le ho phethoha tjena a ikomosa matsoho. Baahi ba moo ba re, "Hobane'ng a sa shoe? Ke hobane'ng monna eo a sa shoe? O lokela ho shoa." Empa Pauluse o ne a tletse Moea o Halalelang haholo (le bona seo ke se bolelang?), a tletse Moea o Halalelang hoo chefu e sa kang ea mo tšoacsa.

²⁰³ Oh, moena, mphe kereke e tletseng Moea o Halalelang. Molimo o tla etsa ka selemo se le seng seo barutehi bohole ba hlolehileng ho se etsa ka lilemo tse likete tse peli. U eme ho fihlela tlotsa Kereke e otla botsekeng ka 'nete ho masala a manyenyane a tšepahalang. Hoba menyako ea Balichaba e koaloe, oh, Molimo o tla tlotsa Kereke. "Ea litšila, a tsoelle a be litšila. Ea lokileng a 'ne a lule a lokile, 'me ea halalelang a 'ne a halalele." 'Me Molimo o tla tlotsa Kereke ka Matla a Molimo,

'me lintho li tla be li etsahala. Hase hoo feela mohlang oo, empa O ntse a e etsa joale.

²⁰⁴ Shebang mehlolo le meeka; ebe batho ba qamaka 'me ba re, "Be, ke ea liabolosi." Oh, hobane ha ba tsebe Mangolo, leha e le matla a Molimo. 'Me ke ka baka leo ba e buang.

²⁰⁵ Morena a le hlohonolofatse. Ke masoabi ho le boloka hofihlela morao tjena. Ke etsa tjena seoelo, empa ha ke phuthehe le lona khafetsa. Kahoo mohlomong ha kea araba lipotso tsena ho latela mehopolo ea hau le lintho. Ho arabiloe tse peli hoseng hona. Haeba ke sa etsa joalo, Molimo a le hlohonolofatse. 'Me ke—ke ne ke sa ikemisetsa—ho khopisa kapa ntho e itseng. Ke ne ke tlameha ho bua feela . . . Le mpotsa potso. Ke etsa sohle se matleng a tsebo ea ka nqa karabo. Ke hantle.

²⁰⁶ Joale, ha ke tsebe haholo ka lintho mohlomong. Ha ke tsebe letho leo ke lokelang ho le tseba. Empa ntho e le 'ngoe eo ke e tsebang, Jesu Kreste o re pholosa sebeng, ho re baballa sebeng, le ho re fa matla a Hae le mahlohonolo a Hae.

²⁰⁷ 'Me ha feela u ka qamaka hohle le ho sheba se etsahalang har'a batho ba rapeletsoeng . . . Ho sheba bophareng ba lichaba le ho sheba lipontšo le meeka hohle. Le ho sheba nako e tlang. Joaloka makala a mabeli ao re neng re rera ka ona nakoana e fetileng, a tsoa ho Genese, kamoo a jereng mapaki a ona hohle. Kamoo ea sa lumelang, ea tiisetsang motheo a le seriti bolumeling ba hae, empa a e-na le sebōpeho sa borapeli, empa ba latola matla a jona . . . 'Me Kereke e tsoelapele.

²⁰⁸ Morena Jesu a le hlohonolofatse, e mong le e mong, ke thapelo ea ka. 'Me eka le ka phela hofihlela le eba le moroalo, Molimo a behe holima lona batho, moroalo o mokana bakeng sa meeа e lahlehileng ho fihlela u sitoa ho robala motšehare kapa bosiu. A Molimo a fe Branhams Tabernacle ena monyetla oo oa moroalo o mokana. Ha ke tsotelle haeba u sa hoeletse le ka mohla, haeba a u sa etse letho le ka mohla, haeba u imetsoe hakana bakeng sa meeа e lahlehileng ho fihlela u sitoa ho robala. Haeba u etsa hoo, lefatše le tla be le hahabela ka mona ho rapelloa. Ke hantle. Lefatše le tla kena ho tla tla ho rapelloa. U tla tsejoa hohle. Molimo o re nehe Moea oa Hae: ho re kokobetsa; ho re heletsa; le ho re futhisa hakaale ka matla a Molimo ho folisa bakuli, ho leleka matemona, ho etsa mehlolo e meholo le meeka; ha u bea matsoho holim'a ba kulang 'me u kopa lehlohonolo leo, ho se leqhubu le le leng pelong ea hau, u lumela hore Molimo o tla e etsa. Sheba mokuli eo, o tla qala a ntlaufala. Hobaneng? Bokhopo bo tlohile ho eona. Feel a joaloka sefate se neng se eme, Jesu o ile a talima, 'me ho ne ho se litholoana ho sona. A re, "U rohakiloe."

Lihora tse mashomepeli-nne hamorao ba feta. Petrose a re, "Sheba, mahlaku a se a ntse a pona." Ntho e 'ngoe e ne e etsahetse. Lentsoe la Molimo le ne le boletsoe.

²⁰⁹ Jesu o itse, “Ebang le tumelo ho Molimo. Hobane ha le ka re ho thaba ena sutha, ’me le sa belaele, e tla le mamela.” Ebang le tumelo ho Molimo.

Joale, ke nako ea Selallo. Re sa inamisa lihlooho tsa rona ke tla kopa motho e mong ho tla pianong.

²¹⁰ Morena, ena ke hora, nako eo mohlomong banna le basali, Morena, lefatše lohle le tla bona hore hora e kholo ea kahlolo e a atamela mohla Molimo a tla ahlola lichaba tsohle boemong ba tsona ba lipolotiki. Hohle, sebakeng se seng le se seng, le motho e mong le e mong o tlameha ho emela likahlolo tsa Molimo. ’Me Ntate, re thabile haholo ho tseba hore pholoho e teng ea batho bana ba . . . ba ka lakatsang ho phonyoha. ’Me tsela eo ke ka Jesu Kreste, Eo e leng e—e Lehlomela la Davida. ’Me re a U leboha, Ntate ea ratehang, ka ho Mo romela lefatšeng le ka mohla, hore E ne e le Moemeli eo re neng re ka ea ho eena; U ne u tla re buella, le ho tlosa libe tsa rona, hore re tle re phonyohe khalefo le tsuo ea Molimo. Rea tseba hore khalefo e tla tla. ’Me hoo, joaloka ha Johanne a boletse matsatsing a fetileng, “Balehelang khalefo e tlang ho tla.”

²¹¹ Joale, Morena, re rapela hore ha re ja Selallo bosiusing bona hore U tle u re halaletsi, Morena, ka Mali a Hau a hloekisang; ’me sebe se seng le se seng sa batho bana se ke se tšoarele. Ke rapela ka boikokobetso le ka botšepehi, Molimo, hore U se ke oa lumella e mong oa rona ho se ja ka mokhoa o sa tšoanelang. Hoba U boletse Lentsoeng la Hau, ha re etsa joalo, re molato oa ’Mele le Mali a Morena. Joale, Ntate, halaletsa batho bana, re tle re je sena ntle le sekoli.

²¹² ’Me joale, Ntate, re eleloa Selallo se abiloe khetlo la pele tlase Egepeta. Homme batho bao ba jeleng Selallo, konyana le bohobe, enereha ba ntse ba tsamaea ba etsoa, lilemo tse mashome a mane ba tsamaea lefeelleng; ’me ho ne ho se le ea mong ea fokolang har’ a bona ha ba tsoa lefeelleng. Ba ne ba jele Selallo.

²¹³ Molimo a hauhele. Ke rapela hore bohole ba kulang ba fole, bohole ba lahlehileng ba bolokehe. ’Me bao ba hoammeng ba monyemo, ba tlohe ba atamele mello ea Molimo, ba futhumatse meeaa ea bona. Aba sena, Morena. Re tšoarele joale le ho re thusa. Re rapela ka Lebitso la Mora oa Hau.

²¹⁴ ’Me re sa inamisitse lihlooho tsa rona, ke a ipotsa (nakong moena a sa re fa lehlasonryana ka piano) haeba motho mona a ka bartla ho phahamisa letsoho la hae le ho re, “Moena Bill, ke—ke ’nete . . . bakeng sa boemo ba moea. ke—ke—ke batla hore u nkhopole. ke—ke—ke batla ho amohela Moea o Halalelang.” U ka phahamisa letsoho la hau? Ho re, “Hopola.” Molimo a u hlohonolofatse. Molimo a u hlohonolofatse, le uena, le uena, uena, le uena. Molimo a u hlohonolofatse, mofumahali, uena, le uena, uena, Moena. Khele, matsoho hohle. Molimo a u hlohonolofatse, Moena. Molimo a

u hlohonolofatse. Molimo a u hlohonolofatse, Khaitseli. Uena, Khaitseli, ke bona letsoho la hau, hore u batla ho amohela Moea o Halalelang. Molimo a u hlohonolofatse, Moena.

²¹⁵ Na ha u batle ho tsamaela haufi feela. Hopolang metsoalle, re phela haufi le ho Tla ha Morena oa rona. Joale, Molimo O tiisa Mantsoe a Hae, mehlolo le meeka hohle.

²¹⁶ Joale, ruri Molimo o ne o ke ke oa ntumella ho tsoela kantle le ho tlotsoa ka Moea o Halalelang ho etsa mehlolo le meeka, ho khutla le ho rera Lentsoe, le joalo-joalo, le ho e hlohonolofatsa hohle, le ho etsa lintho tsena, A sa ka a mpha mohopolo o itseng oa Lentsoe la Hae. Ha O ka ke oa aba seo. Kahoo ke tseba seo ke buang ka sona.

²¹⁷ Ha u se na Jesu Kreste, u se na Moea o Halalelang, Molimo a se u lumelle ho phomola ho fihlela u amohela Moea o Halalelang. U se ke ua thetsoa. U se ke oa amohela maipolelo ana a mang a mahlo a ommeng 'me oa re u na le Moea o Halalelang. Ha u fumane Moea o Halalelang ha u lumela. Ha u lumele ho fumana Moea o Halalelang. Ke neo ea Molimo. Pauluse o itse, "Na u amohetse Moea o Halalelang haesale u lumela?" Kahoo e lumele. 'Me Molimo a u fe Oona.

²¹⁸ Joale, Ntate, ho bao ba phahamisitseng matsoho a bona, Ke U rapela ho ba abela Motho eo Moea o Halalelang hona joale. A ke a kene ka botebo ka ho ba bangata bana, matsoho a leshome kapa a leshome le metso e mehlano a phahameng. Ke U rapela ho abela e mong le e mong oa bona kolobetso ea Boleng ba Hau. Ba ke ba tlale Moea o Halalelang hakana, ho fihlela mehlolo le meeka e etsahala maphelong a bona, ba tla bona mehlolo ea mefuta eohle. Joaloka ha Jesu a boletse, "Mehlolo e tla tsamaea le ba lumelang ke eona ena." Aba sena, Ntate. Ka boikokobetso re rapela ka Lebitso la Mora oa Hau, Jesu Kreste. Amen. (Moena Neville.)



54-0103E Lipotso Le Likarabo #2
Branham Tabernacle
Jeffersonville, Indiana U.S.A.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitsos

Litokelo tsohle li babaletsoe. Buka ena e ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org